

四庫全書

集部

欽定四庫全書

王右丞集箋注卷二十六

仁和趙殿成撰

誌銘四首

故任城縣尉裴府君墓誌銘

天寶二年正月十二日唐故魯郡任城縣尉河東裴府君卒于西京新昌坊私第享年三十九嗚呼哀哉君諱回字玉溫河東聞喜人也曾祖宏泰皇雍州錄事參軍

贈上黨長史

秦頤本作春誤今考唐書宰相世系表改正

祖思義皇侍御史

吏部員外左司郎中戶部吏部侍郎河東郡太守晉城

縣開國子父敷珍皇薛王府騎曹參軍自晉已降世為

冠族令德不替以至于君夫其事親孝兄弟順與朋友

信其從政公平而壽不中年官才一命慈母在堂諸弟

未仕兒未有識女且嬰孩妻天于前身歿于後天可問

邪其若老親何其若季仲諸孤何生人之悲莫甚于是

家貧祭以棗脯殮以時服以某月日祔葬于鳳棲原先

府君之塋

樓顧本作樓
誤今校正

嗚呼有河東裴子之墓誌之益

古有之繼後之知者亦何有哉銘曰

一死萬紀終天不復為之奈何哀哀慟哭覆載至廣庶
類繁育萬物方春而就于木

任城縣

唐書地理志河南道
兗州魯郡有任城縣

新昌坊

長安志朱雀街
東第五街之南

有新昌坊

唐書地理志河東
道絳州有聞喜縣

雍州

唐書地理志京兆
府京兆郡本雍州

開元二年為府

錄事參軍

按唐六典京兆有錄事
參軍事二人正七品上

長史

唐書
百官

志高宗即位改
別駕皆為長史

侍御史

唐六典御史臺有侍
御史四人從六品下

吏部員

欽定四庫全書

王右丞集箋注

卷二十六

外郎唐六典吏部有負外左司郎中唐六典尚書省有左司郎中一人從

五品上 戶部吏部侍郎唐六典戶部侍郎二人吏部侍郎二人正四品下晉城

縣唐書地理志河東道澤州高平郡有晉城縣開國子唐書百官志凡爵九等八曰開國縣

子食邑五百 騎曹參軍事唐六典親王府有騎曹參軍事一人正七品上令

德詩小雅顯允君子莫不令德鄭康成箋令善也祔葬按鄭康成禮記註祔謂合葬也後人作附

其解矣 鳳棲原陝西志鳳棲原在少陵原北萬紀孔安國尚書傳十二年曰

紀顏延年詩萬紀載就木左傳季隗曰我二十五年矣又如而是而嫁則就木焉

杜預註言 將死入木

工部楊尚書夫人贈太原郡夫人京兆王氏墓誌

銘

夫人諱某京兆霸城人也晉出三家公子尊于魏國秦
亡六國時人謂之王家河南則分虎臨人華陰則老熊
當道高祖德真皇左僕射祖九思京兆府三原縣令父

潛河南府告成縣令

告成顧本作郿城誤今校正作告成唐書宰相世系表作吉城亦誤

大名之後重光不替夫人令儀淑德發于天姿閑禮明

詩傳乎世業

明顧本作名誤今校正

言成女誠可著于縑紵行為

女師詎資乎行待豈止彈琴吐論誦賦吟詩而已及乎
有行嬪于君子事姑至孝旁穆六姻為母深慈均養七
子男以無雙令德降帝子于鳳樓女則第一解空歸法
王之象教閨門之訓朝野稱多既而家列公侯地連妃
主珠翠滿座不御采衣方丈盈前唯甘素食同德大師
大照和尚觀如來之與昭羣有之源夫人一入空門便
蒙法印朱簾紺幃無復餘乘龍藏寶經悉通至義惠用
圓滿誠力堅嚴藥藉茹葷雖愈疾而不受心已久淨縱

沒齒而常安

沒舊作設非

以某年月日奄歸大寂于長興里

之私第厥初寢疾彌曠旬時駙馬上人柴毀骨立揮淚
嘗藥身不解衣泣血持經手不釋卷晝夜懺悔非止六
時身命供養寧唯七寶御醫繼踵中使重跡魂兮不反
空焚外國之香生也有涯非無上天之樂某月日有詔
追贈太原郡夫人襄城石窰增寵其榮名翟第魚軒空
悲于象設以某月日安厝于某原禮也功德之至散花
天女不留釋梵之筵勝鬘夫人何在嗚呼哀哉乃為銘

曰

天生淑德實俾宜家特能柔順深棄嬌奢詎離環珮不

御其華

其疑是鉛字之訛

其一

婦道允諧母儀俱美每出誠夫停

飡訓子賦掩西征書教內史

其二

門容高憶庭列長筵

顧憶

本作憲誤

男乘翠鳳女比紅蓮繁華貴里寂寞安禪

其三朝含

香兮禮闈夕青瑣兮黃扉方天公兮密啓建出牧兮高

麾俄入守兮京兆賜黃金兮被皁衣

其四

捐余珮兮江中

隱思君兮不可窮歌泰山兮不返夢濟洹兮遂空素車

兮逶遲宛鄉關兮故時時顧本作待誤望國門兮不入到秦山

兮不知瞻舊域兮松楸平原夕兮素漣愁魂兮歸來江

南不可以久留

霸城

成按太平寰宇記後周建德二年省霸城縣併入萬年縣唐時無此縣久矣右丞蓋本其舊族

望而王氏世系

唐書宰相世系表京兆王氏出自姬姓周文王少子畢公高之後封魏至

昭王彤生公子無忌封信陵君無忌生間憂襲信陵君秦滅魏間憂子卑子逃難于太山漢高祖召為中

涓封蘭陵侯時人以其故王族也謂之王家卑子生悼悼生賢濟南太守宣帝徙豪傑居霸陵遂為京兆

人卑子九世孫遵字子春後漢河南尹上樂莊侯遵生鮐鮐孫康康生諶諶生鵠鵠別孫景生均忠均八

世孫罷至易從徙居汲郡忠七世孫直瓜州刺史直
子武宣岳州刺史武子德真相高宗武后德真子九
思三原令九思 **分虎** 後漢書苴茅分虎南面臣人
子潛吉城令 **老**

熊當道

北史王罷除華州刺史嘗修州城未畢梯在
城外神武遣韓軌司馬子如從河東宵濟襲

罷罷不覺比曉軌衆已乘梯入城罷尚卧未起聞閣
外洶洶有聲便袒身露髻徒跣持一白棒大呼而出

謂曰老罷當道卧貉子那得過敵見驚退逐 **三原** 唐
至東門左右稍集合戰破之軌遂投城遁走 **三原** 唐書

地理志京兆 **告成** 唐書地理志河南府有陽城縣萬
府有三原縣 **告成** 歲登封元年將封嵩山改陽城曰

告成神龍元年復故 **大名** 左傳晉侯賜畢萬魏以為
名二年復為告成 **大名** 大夫卜偃曰畢萬之後必

大萬盈數也魏大名也是始賞天啓之矣天子曰
兆民諸侯曰萬民今名之大以從盈數其必有衆

重光

南史王筠與諸兒書論家門集云史傳稱安平崔氏及汝南應氏並累葉有文才所以范蔚宗

云崔氏雕龍然不過父子兩三世耳非有七葉之中名德重光爵位相繼人人有集如吾門者也

儀

詩小雅豈弟君子莫不令儀

淑德

後漢書崔寔母劉氏有母儀淑德博覽書傳

明詩

洛神賦嗟佳人之信

女誠

後漢書扶風曹世叔妻修羌習禮而明詩作女誠七篇有助女訓

師

毛萇詩傳古者女師教以婦德婦言婦容婦功祖廟未毀教于公宮三月祖廟既毀教于宗室行

待

左傳女待婦義事者也杜預註待人待人而行也

有行

詩國風女子有行遠父母兄弟鄭康

成箋云行道也婦人

嬪于君子

虞書嬪于虞孔安國生而有適人之道

道于六女

北史楊椿誠子孫曰我家入魏之始即為虞氏六女上客自爾至今二千石方伯不絕祿卹甚

多于親如知故吉凶之際必厚加贈祿來往
賓寮必以酒肉飲食故六姻朋友無憾焉
七子植曹

上責躬應詔詩表七子均養者
鴉鳩之仁也詩國風
鴉鳩在桑其子七兮毛萇傳云鴉鳩之養其子朝從

上下暮從下無雙者國士無雙
第一解空僧肇維
上平均如一

註須菩提秦言善吉羣有
王子頭陀寺碑文行不捨
弟子中解空第一

羣有謂有色無色有想無
法印亦是一故曰羣有
法印大般若經般若波羅
想以其不一故曰羣有

法印亦是一故曰羣有
江淹靈丘竹賦綺疎蔽
聞緣覺真實法印朱簾
而停日朱簾開而留風
絳幘

隋書今犢車通幘自王公已下至五品以上並給乘
之三品以上青幘朱裏五品已上紺幘碧裏江總詩

輪停紺幘引龍藏寶經
龍樹菩薩入龍宮看藏見華
馬度紅塵餘嚴三本菩薩處胎經曰金翅

鳥從龍子到海宮殿彼有七寶塢諸佛所說諸法深藏沈約內典序足踏慧門學通龍藏大寂涅槃

經我曠劫來長興里按長安志朱雀街東第二街有長興坊其東北隅有侍中駙馬

都尉楊柴毀骨立晉書許孜字季義東陽吳寧人也二親沒柴毀骨立杖而能起六

時佛名經云若比丘比丘尼優婆塞優婆夷欲懺悔諸罪當淨洗浴著新淨衣淨浴室內數好高座安

置尊像懸二十五枚旛種種華香供養誦此二十五佛名日夜六時懺悔滿二十五日滅四重八重等罪

身命供養涅槃經若有建立護持正法如是之人應從啟請當捨身命而供養之外國

香十洲記聚窟洲上有大山形似人鳥之象因名之為神鳥山山多大樹與楓木相類而花葉香聞數

百里名為反魂樹扣其樹亦能自作聲聲如羣牛吼聞之者皆心震神駭伐其木根心于玉釜中煮取汁

更微火煎如黑飴狀今可丸之名曰驚精香或名之
為震靈丸或名之為反生香或名之為震檀香或名
之為人鳥精或名之為却死香一種六名斯靈物也
香氣聞數百里死者在地聞香氣乃却活不復亡也
以香薰死人更加神驗征和三年武帝幸安定西胡
月支國王遣使獻香四兩大如雀卵黑如桑椹帝以
香非中國所有以付外庫到後元元年長安城內病
者數百亡者大半帝試取月支神香燒之于城內其
死未三月者皆活芳氣經三月不歇于是信知其神
物也乃更祕錄餘香後一旦又失之檢函封印如故
無復生也有涯莊子吾生也有涯襄城後漢書宏農人
香也生也有涯涯而知也無涯宰宣素性佞邪
欲取媚于梁冀乃上言大將軍有周公之功今既封
諸子則其妻宜為邑君詔遂封冀妻孫壽為襄城君
兼食陽翟租歲入五千象設楚辭象設君母儀晉書
萬加賜赤紱比長公主象設室靜安閑些母儀母儀

之教光停飡訓子漢書雋不疑為京兆尹每行縣錄于邦俗

活幾何人即不疑多有所平反母喜笑為飲食語言異于他時或亡所出母怒為之不食故不疑為吏嚴

而不西征李善文選註曹大家集曰子毅為內史張陳留長大家隨至官作東征賦懷

璿書斷衛夫人名鑠字茂猗廷尉展之女弟恒之從女汝陰太守李矩之妻也隸書尤善規矩鍾公云碎

玉壺之冰爛瑤臺之月婉然芳樹穆若清風右軍少常師之永和五年卒年七十八長筵曹植名都

篇鳴儔嘯匹侶禮闈任昉王文憲集序出入禮闈朝列生竟長筵夕舊館李善註十州記曰崇禮

闈即尚書上省門崇禮東建禮門即尚書黃扉黃扉猶黃扉

闈禁門也宋之問詩寵出牧何遜詩入朝耿長高麾就黃扉日威回白簡霜劍出牧盛層麾

沈約齊故安陸昭王碑文建麈作牧明
德攸在呂向註麈旗類也以毛為之
卓衣漢書京兆尹張

敞上書言敞備卑衣二十餘年如
淳曰雖有五等服至朝皆著卑衣
歌泰山禮記孔子蚤作負手

曳杖消搖于門歌曰泰山其頽乎哲人
其萎乎既歌而入當戶而坐子貢聞之曰泰山其頽

則吾將安仰梁木其壞哲人其夢濟洹左傳聲伯夢涉洹或與已

薶則吾將安放夫子殆將病也
瓊瑰食之泣而為瓊瑰盈其懷從而歌之曰濟洹之

水贈我以瓊瑰歸乎歸乎瓊瑰盈吾懷乎懼不敢占
也還自鄭壬申至于狸脹而占之曰余恐死故不敢

占也今衆繁而從余三年矣無傷也言之暮而卒
久留楚辭招魂魂兮歸來東方不可以託些又招隱士王孫兮歸來山中兮不可以久留

唐故潞州刺史王府君夫人榮國夫人墓誌銘一榮

本作
營誤

夫人姓盧氏范陽人也昔堯命伯夷典秩宗號太常為

尚父

上有
闕文

桓襄之際公子食盧卯金故人王于大國越

石從事官至中郎曾祖士會隋行臺侍御史祖某皇朝
奉禮郎父某豪淄邛等三州刺史持斧衣繡威加不法
奠玉瘞帛舉無違禮守臨淄而齊兒不詐去臨邛而蜀
物盡留夫人即府君之長女積累世之德鍾二門之美
儀表秀整進止詳閑不咨保傳動由詩禮既以七族冠

時遂歸齊大之偶入持門戶內事舅姑枕席溫清于堂上環珮逶迤于堂下不脫簪珥親當澣濯玄纁可實于筐篚染盛可獻于宗廟魚軒或駕翟茀而朝衆婦于是修容夫人專之以禮克贊君子累至大官雅政清德實多左右潞州早世深秉義方母儀可則庭訓不替女史之學多讚大家之書衆婦之儀盡稟夫人之法天與盛德不降永年以某月日寢疾薨于長安善和里享年若干以某月日合祔某山原禮也子某某官淳孝之性泣

血待盡永惟令德固不可泯彰示後人乃刊于石銘曰

有姜之後或邑于盧歷代種德示有稱孤從事文府振

轡長途

其一

憲府持法奉常秉禮皇考專城腰章郡邸厚

德重跡深仁繼體

其二

降生哲人其行惟惇儀形衆庶門

冠諸姻齊姜宋子敢望清塵

其三

君子之貳實聞高義乃

躬澣濯先晨簪珥穆及外親敬是中饋

其四

母儀既峻庭

訓載揚子以才貴煌煌寵章馳暉難駐令問空長

其五壽

宮既啟高堂永寂千秋萬古山川松柏紀德誌行惟茲

貞石其六

盧氏世系

唐書宰相世系表盧氏出自姜姓齊文公

子高高孫侯為齊正卿諡曰敬仲食采于

盧濟北盧縣是也其後因為氏田和篡齊盧氏散

居燕秦之間秦有博士教子孫家于涿水之上遂為

范陽伯夷

史記舜曰嗟四岳有能典朕三禮皆曰伯夷可舜曰嗟伯夷以汝為秩宗夙夜維敬

直哉惟靜潔正義曰秩宗若太常也漢書百官表云王莽太常曰秩宗依古也孔安國云秩序宗尊也主

郊廟之官也

卯金故人

史記盧綰者豐人也與高祖同里盧綰親與高祖太上皇相愛及生

男高祖盧綰同日生里中持羊酒賀兩家及高祖盧綰壯俱學書又相愛也里中嘉兩家親相愛生子同

日壯又相愛復賀兩家羊酒高祖為布衣時有吏事辟匿盧綰常隨出入上下及高祖初起沛盧綰以客

從入漢中為將軍常侍中從東擊項籍以太尉常從
出入卧内衣被飲食賞賜羣臣莫敢望雖蕭曹等特
以事見禮至其親幸莫及盧綰高祖已定天下欲王
盧綰為羣臣缺望及虜臧荼迺下詔諸將相列侯擇
羣臣有功者以為燕王羣臣知上欲王盧綰皆言曰
太尉長安侯盧綰常從平定天下功最多可王燕詔
許之漢五年八月迺立盧綰為燕王諸侯王得幸
莫如燕王漢書王莽傳夫劉之為字如金刀也越

石從事

晉書盧諶字子諒清敏有理思好老莊善屬
文州舉秀才辟太尉掾洛陽没北依劉琨為

劉桀所虜桀據晉陽留諶為參軍琨收散卒引騎盧
騎還攻桀桀敗走諶得赴琨琨為司空以諶為主簿

從事奉禮郎

唐六典太常寺有奉禮郎二人從九品上濠淄
州志濠州鍾

離郡淄州淄川郡俱屬河南道
道邛州臨邛郡屬劍南道

瘞帛

唐六典凡祭天及日月星辰之玉帛

則焚之祭地及社稷山蜀物南史王僧孺傳昔人為岳則瘞之海瀆則沉之蜀郡長史終身無蜀物

七族唐會要顯慶四年詔後魏隴西李寶太原王瓊榮陽鄭溫范陽盧子遷盧澤盧輔清河崔伯宗

崔元孫前燕博陵崔懿晉越郡李齊大之偶左傳齊楷凡七姓十家不得自為婚姻齊大之偶侯欲以

文姜妻鄭太子忽太子忽辭人問其持門戶古詩健故太子曰人各有耦齊大非吾耦也持門戶婦持門

戶亦勝玄纁夏書厥篚元纁玼組孔穎達正義曰釋一丈夫玄纁器云三染謂之纁李巡云三染其色已

成為絳纁絳一名也考工記云三入為纁五入為緹緹

又再染以黑則為緇玄色在緇緇義方左傳臣聞愛

之間其六入者是染玄纁之法也子教之以義

方大家

後漢書扶風曹世叔妻者同郡班彪之女也名昭字惠班一名姬博學高才世叔早卒有

節行法度凡固著漢書其八表及天文志未及竟而卒和帝詔昭就東觀藏書閣踵而成之帝數召入宮

令皇后諸貴人師 **文府** 沈約到著作省謝表 **振轡** 書

崑峯振轡 **繼體** 左思吳都賦虞魏之昆顧陸 **齊姜宋**

子 詩國風豈其取妻必齊之姜豈其取妻 **清塵** 李善

註楚辭曰聞赤松之清塵蓋行必塵起不 **中饋** 周易

敢指斥尊者故假塵以言之清尊之也 **壽宮** 楚辭蹇將憺兮

遂在 **馳暉** 謝朓詩馳暉不可接 **壽宮** 楚辭蹇將憺兮

宮供神 **貞石** 王少頭陀寺碑文勝幡西振 **汧陽郡太守王公夫人安喜縣君成氏墓誌銘** 一汧

處也 貞石南刊劉良註貞堅也

本作
河誤

夫人字某某郡人也其先周成王之後古之錫姓命氏
或以先父之職官或因始祖之名諡漢魏以降史牒詳
焉曾祖休寧某官祖某官襲封常山公貳公執帛調
護儲闈九伯剖符典司方岳典司方岳顧本作典
日方兵誤今校正漢雄
右輔實拜翁歸左顧本作右
誤今校正周命僕臣惟茲伯同夫人
即太僕府君之第二女也世有明訓家無遺德蕙心紈
質豈曰師成螭首蛾眉抑惟天與同雲降雪常聞柳絮

之詩獻歲發春即賦椒花之頌言事姑舅宜其家室寢
門纔闢筭六珈而問安擊鐘未晞具八簋而獻饋染朱
與綠不愆公子之衣采藻及蘋有甚季姜之祭魚軒翟
芾為諸侯之夫人鳴珮垂環對有國之君子綺疏寓目
助選賢人青帳藩身用酬高論善持門戶能睦族姻誠
良人之從畋不嘗原獸訓愛子之為政遂返池魚言成
大家之書行為衆婦之法至于彈琴製賦纂組攻書具
舉百事之能仍居四德之外嗚呼降年不永春秋五十

以某載月日薨于長安平康里之私第某月日祔于咸陽洪瀆原之先塋禮也不獲偕老空傷奉倩之神未始有生誰達莊周之禮長子濡前某官次子澄某官次日某某官及女等漣漣泣血玃玃在疚哀纏聖善痛七子之無依文叙塞淵冀九原之可識

塞顧本作寒
誤今校正

銘曰

齊侯之子兮衛侯之妻膚如凝脂兮手如柔荑奉初之嘉訓兮淑德日躋供養兮姑舅簪珥問安兮先夜漏製三纁兮元纁具五獻兮籩豆翟第兮錦衣駕魚軒兮來

歸從如雲兮滿中闈忽形沉兮影絕夫傷神兮子泣血
悲餘澤兮猶在怨迴文兮未滅返葬兮咸陽寒天暮兮
渭水長嗟梧桐兮半死無雙飛兮鳳凰

汧陽郡

唐書地理志關內道隴州汧陽郡本隴東郡義寧二年析扶風郡之汧源汧陽南由安定

郡之華亭置天寶元年更郡曰汧陽

安喜縣

唐書地理志河北道定州博陵郡有安喜縣

公尚書周官少師少傅少保曰三孤貳公弘化執帛

杜預左傳註公侯伯子男執玉諸侯世子附庸孤卿執帛儲闈沈約彈王源文升

劉良註儲剖符漢書高帝紀又與功臣剖符作誓右

輔

三輔黃圖京兆尹左馮翊右扶風共治長安城中

華陰左輔都尉治高翁歸漢書尹翁歸以高第八守

平疾姦吏以為右職接待以禮好惡與同之其負翁

名籍盜賊發其比伍中翁歸輒召其縣長吏曉告以

言無有遺脫緩于小弱急于豪彊豪彊有論罪輸掌

者至以鈇自剄而死京師畏其威伯冏孔安國尚書

同為周太僕太僕唐書百官志太僕寺卿一人蕙心

正作同命太僕從三品少卿二人從四品上蕙心

紉質

鮑照蕙城賦東都妙姬南國麗人蕙心紉質玉

貌絳唇張銑註蕙香草喻美也紉輕細綺也言

妙姬佳人嬌美之心輕細之質
螾首蛾眉
詩國風螾首蛾眉集傳云

正蛾蠶蛾也其眉細而長曲
同雲
詩小雅上天同雲雨雪霧

世說謝太傅寒雪日內集與兒女講論文義俄而雪驟
公欣然曰白雪紛紛何所似
兄子朗曰撒鹽空

中差可擬
兄女曰未若柳絮因風起
公大笑
獻歲發

春
楚辭獻歲發春兮汨吾南征王逸註言
椒花
晉書

妻陳氏者聰辯能屬文嘗正旦獻椒花頌其辭曰旋

穹周迴三朝聲建青陽散輝澄景載煥標美靈葩爰

採爰獻聖容映
言事姑舅
庚信周安昌公夫人鄭氏

之永壽於萬
寢門
孔穎達禮記正

也
筭六珈

詩國風君子偕老副筭六珈毛萇傳云筭

穎達正義首服副飾而著**八籩**周禮夫人致禮采藻

衡筭以六珈玉為之飾**八籩**八壺八豆八籩采藻

詩召南于以采蘋南澗之濱于以采藻于彼行**季姜**

潦于以奠之宗室牖下誰其尸之有齊季女**季姜**

季姜恐是季蘭之訛按左傳濟澤之阿行潦之蘋藻

真諸宗室季蘭尸之敬也杜預註以季蘭為服蘭之

女孔穎達正義云詩言季女而此言季蘭謂季女服

蘭草也案宣三年傳曰蘭有國香人服媚之知是女

之服**青帳**晉書王凝之妻謝氏字道韞安西將軍奕

蘭也**青帳**之女也凝之弟獻之嘗與賓客談議詞理

將屈道韞遣婢白獻之曰欲為小郎解圍乃**不嘗原**

施青綾步鄣自蔽中獻之前議客不能屈乃**不嘗原**

獸禽列女傳楚莊王即位好狩獵樊姬諫不止乃不食

獸禽獸之內王改過勤于政事左傳不修民事而淫

于原獸杜預返池魚吳錄孟仁為鹽池司馬自能結

還之日汝為魚官而纂組楚辭纂組綺縞結琦璜些

以鮒寄我非避嫌也王逸註纂組綬類也漢書

錦繡纂組害女紅者也應劭曰纂今五采屬絳是

也組者今綬紛條是也臣瓚云許慎云纂赤組也

德後漢書九嬪掌教四德章懷太子

祭字奉倩常以婦人者才智不足論自宜以色為主

麗專房歡宴歷年後婦病亡未殯傳故往唁祭祭不

哭而神傷故問曰婦人才色並茂為難子之娶也遺

才而好色此自易遇今何哀之甚祭曰佳人難再得

顧逝者不能有傾國之色然未可謂之易遇痛悼不

能已歲莊周莊子莊子妻死惠子弔之莊子則方箕

踞鼓盆而歌惠子曰與人居長子老身

死不哭亦足矣又鼓盆而歌不亦甚乎莊子曰不然
是其始死也我獨何能無槩然察其始而本無生非
徒無生也而本無形非徒無形也而本無氣雜乎芒
芴之間變而有氣氣變而有形形變而有生今又變
而之死是相與為春秋冬夏四時行也人且偃然寢
于巨室而我嗷嗷然隨而哭之自以為不通乎命故
也**筑筑在疚**詩周頌遭家不造嬛嬛在疚鄭康成箋
遭武王崩家道未成嬛嬛然孤特在憂

病之中陸德明音釋**聖善**詩國風母氏聖塞淵詩國
嬛其傾反崔本作筑善我無令人

氏任只其心塞淵毛萇傳塞實也淵深**九原**禮記趙
也孔穎達正義其心誠實而深遠也

叔譽觀乎九原據鄭康成註本是地名晉卿大**齊侯**
夫之墓地在焉後人因之槩呼墓地為九原矣

之子詩國風碩人其頌衣錦褰
衣齊侯之子衛侯之妻**凝脂柔荑**詩國風手
如柔荑膚

王右丞集箋注卷二十六

欽定四庫全書

集部

王右丞集箋注卷二十七

詳校官太常寺少卿臣陳桂森

檢討臣何思鈞覆勘

總校官檢討臣何思鈞

校對官助教臣卜惟吉

謄錄監生臣戴珙

欽定四庫全書

王右丞集箋注卷二十七

仁和趙殿成撰

哀辭

宋進馬哀辭

并序

宋進馬者中書舍人宋公之子也公無弟兄子一而已

文則有種

顧本作交
則不擇

德亦惟肯忽疾倏逝醫不及視宋

公哀之他人悲之故為詞曰

背春涉夏兮衆木藹以繁陰連金華與玉堂兮宮閣鬱
其沉沉百官並入兮何語笑之啞啞君獨靜默以傷心
草王言兮不得辭裁悲減思兮少時裁劉本
作我僕夫命駕

兮出閭闔歷通達陌上人兮如故識不識兮往來眼中
不見兮吾兒駢紫駟兮從青驪低光垂彩兮恍不知其
所之闢朱戶兮望華軒意斯子兮侯門忽思瘞兮城南
心瞽亂兮重昏仰訴天之不仁兮家唯一身身止一子
何引嗣之不繁就單尠而又死將清白兮遺誰問詩禮

今已矣哀從中兮不可勝

哀舊本作鬱非

豈暇料餘年兮復幾

餘一天

日黯黯兮頽曄

頽一作隕

鳥翩翩兮疾飛邈窮天兮不

返疑有日兮來歸靜言思兮永絕復驚叫兮沾衣

驚一作號

客有弔之者曰觀未始兮有物同委蛻兮胡悲且延陵

兮未至况西河兮不知學無生兮庶可幸能聽于吾師

金華

漢書時上方向學鄭寬中張禹朝夕入說尚書論語于金華殿中師古曰金華殿在未央宮

沉沉

史記陳涉世家夥顯涉之為王沉沉者應劭曰沉沉宮室深邃之貌也

啞啞

周易笑言

啞啞孔穎達正義

草王言

唐六典中書舍人掌侍奉進奏參議表章凡詔旨制

勅及璽書冊命皆按典故起僕夫毛萇詩傳僕夫御夫也通達

謝靈運詩密親麗楚辭恍絕兮不得中督亂

華苑軒覺飭通達督亂楚辭余將董道而不豫

以督亂兮心摧傷以愴重昏楚辭余將董道而不豫

捌呂向註督亂迷惑也重昏楚辭余將董道而不豫

逸註昏窮天鮑照凌煙樓銘重靜言思詩國風靜言思之寤辟有

標鄭康成未始有物莊子古之人其知有所至矣惡

盡矣弗可以加矣其次以為有物矣將委蛻莊子孫

有生為表也以死為反也是以分已委蛻莊子非汝

有是天地之委蛻也郭象延陵禮記延陵季子適齊

注氣自委結而蟬蛻也延陵季子吳之習于禮者也

葬于贏博之間孔子曰延陵季子吳之習于禮者也

往而觀其葬焉其坎深不至泉其紋以時服既葬而

封廣輪揜坎其高可隱也既封左袒右還其封且號者三曰骨肉歸復于土命也若魂氣則無不之也無不之也而遂行孔子曰延陵季子之于禮也其合矣乎西河史記子夏居西河教授為魏文侯師其子死哭之失明

祭兵部房郎中文

為人作

維載月日朔某官某乙謹以酒脯之奠敬祭于故兵部郎中房公之靈嗚呼君子之才周而不器苟求行道未嘗私身沉靜好謀話言必雅往歲穀貴闕輔阻饑眷命自天發廩以賑中朝之使屬之鄙夫不敢自賢請子為

介匹夫嫠婦黃口之孤鍾釜之施罔不必當舉無棄粒

野有頌聲國家厭兵革苦徵戍大名浮食以靖國人

名字

訛單車諭旨萬里窮磧西度赤坂館于烏孫形勞者病

神勞則天棄成功于末路未復命而言謝死不廢命忠

也尸而加紳寵也我盥而撫子瞑受舍求仁得仁其誰

不死玉關之下素車威遲愁雲晝聚白雪春下絳旄從

風車徒行哭至上京而不駐將返葬于關東河活活而

東注天慘慘而悲風道路猶長子實途窮人世如舊子

實成空我有旨酒以飲以餞想像明德歎歎出涕尚饗

關輔

鮑照詩家世宅關輔李善注關中為三輔書曰右扶風左馮翊京兆尹是為三輔

阻饑

虞書黎民阻饑孔安國傳以靖國人左傳華元使向

為司馬樂喬為鳥孫漢書西域傳烏孫國大昆彌治

我盥而撫子瞑受含

左傳荀偃卒而視不可舍宣子盥而撫之曰事吳敢不如事主

猶視藥懷子曰其為未卒事于齊故也乎乃復撫玉

之曰主苟終所不嗣事于齊者有如河乃瞑受含

關太平寰宇記玉門關在沙州威遲顏延年詩隱憫

活活

詩國風河水洋洋北流活活毛萇傳活活流也

我有旨酒

詩小雅我有旨酒嘉賓式

燕以教

為楊郎中祭李員外文

維載月日朔行尚書司勳郎中賜緋魚袋楊元璋等謹

以清酌少牢之奠敬祭于故左司員外郎李公之靈嗚

呼大朴難名大辨若訥洎兮無兆汎然隨物

洎顧本作治誤今校

正直而好學敏以從事行隱于寡言文成于沉醉澡身

浴德唯仁與義讀書甚解作賦彌工麗詞秀務奧義元

通記言西掖起草南宮第五將姪伏波事嫂食先與甘
衣必讓好口嘗其糲身席于藁結友一言同官一日徇
我朋好忘其身恤豈惟攜手亦將加膝明明天子惟賢
是思恨馮唐之已老喜相如之同時罷刊書于虎觀將
載筆于鳳池嗚呼病時七啓卧內一訣痛乾坤而忽窮
嗟古今而長絕永言北首返葬東周何夫子之遼去同
衆人之若休歷千門而行哭動九陌而增愁馬悲鳴而
笳咽雲寡色而風秋元璋等或結髮舊遊比肩同列悲

薤歌之首路哀柳車之就轍嗟無見而空來痛不知而

成列嗚呼哀哉尚饗

司勳郎中

唐六典吏部有司勳郎中一人從五品上 緋魚袋 總見二十二卷金魚袋注

內清酌

禮記凡祭宗廟之禮酒曰清酌孔穎達正義酌斟酌也言此酒甚清微可斟酌也 少

牢

鄭康成周禮註牢羊豕曰少牢

左司員外郎

唐六典尚書省有左司員外郎一人從六

品大辯若訥

老子大辯若訥河上公註大辯者智無疑如訥者口無辯 泊兮無兆

老子我獨泊兮其未兆河上公註

我獨泊然安靜未有所欲之形兆

沉醉

晉書帝讓九錫公卿將勸

進使阮籍為其辭籍沉醉忘作臨時詣府使取之見籍方據案醉眠使者以告籍便書案使寫之無所改

竇辭甚清壯
為時所重

澡身浴德

禮記儒有澡身而浴德孔穎達正義澡身謂能澡潔其身

不染濁也浴德謂沐浴于德以德自清也

記言

唐六典中書省有起居舍人二人從六品上掌修記

言之史錄天子之制誥德音如記事之制以記時政之損益年終則授之于國史注云起居舍人因起居

注而名官焉古者人君言則右史書西掖西掖即中之即其任也李蓋嘗為中書舍人者

二卷東掖垣注中

起草

見十一卷禮門注中

第五將姪

後漢書第五倫傳或問倫

曰公有私乎對曰吾兄子嘗病一夜十往退而安寢吾子有疾雖不省視而竟夕不眠若是者豈可謂無

私伏波事嫂

後漢書馬援敬事寡嫂不冠不入廬建武十七年璽書拜援伏波將軍

加

膝禮記進人若將加諸膝

七啓

成按杖乘作七發設言楚太子有疾而吳客往問之說七事以

起發太子太子霍然病已云云曹子建効之
作七啓然非疾病事七啓當作七發為是
東周史記

索隱按高誘曰東周
適去見三卷懸
若休賈誼服賦
成周故洛陽之地
解注中
其生兮若

浮其死兮若休
九陌三輔遺事長
雲寡色江淹恨賦
師古注休息也
安八街九陌
隴雁少飛

依雲比肩戰國策千里而一
薤歌古今注薤露蒿里
寡色比肩士是比肩而立
並喪歌也出田橫

門人橫自殺門人傷之為之悲歌言人命如薤上之
露易晞滅也亦謂人死魂魄歸乎蒿里故有二章一

章曰薤上朝露何易晞露晞明朝還復滋人死一去
何時歸其二曰蒿里誰家地聚斂魂魄無賢愚鬼伯

一何相催促人命不得少踟躕至孝武時李延年乃
分為二曲薤露送王公貴人蒿里送士大夫庶人使

挽柩者歌之首路顏延年詩改服飭徒旅首路跼險
世呼為挽歌
艱潘勗九錫文王師首路威風先

逝李善注廣雅首向也 柳車韻會柳喪車也通作柳釋名喪車其蓋曰柳服虔曰東郡謂廣轍車

為柳李奇曰大牛車鄧展曰喪車也

為兵部祭庫部王郎中文

惟公宏量碩德抱義戴仁早離我見常守吾真朝稱端士世謂淳人夏官之職惟賢是寄既節五官兼選騎士宿衛扞城必由茲地速應為敏平分是貴決遣先馳曹無留事嗚呼積善無慶寢疾彌留唐肆求馬夜壑藏舟深悟幻境獨與道遊死而不忘魂兮若休嗚呼某等何

幸得備官屬泰然若春温兮如玉去德何永事生何促
五情如喪百身不贖敬薦醴牢哀慟哭尚饗

庫部郎中

唐六典兵部有庫部郎中一人從五品上掌邦國軍州之戎器儀仗及冬至元正之

陳設并祠祭葬之羽儀諸軍州之甲仗皆辨其出入之數量其繕造之功以分給焉我見華嚴

離我見無夏官杜氏通典周禮夏官大司馬之職掌有我想以九伐之法正邦國制軍詰禁以亂

邦國領校人收司職方司五官淮南子兵畧訓夫論兵之屬即今兵部之任也除謹動靜時吏卒辨

兵甲治正行五連什伯明鼓旗此尉之官也前後知險易見敵知難易發斥不忘遺此候之官也隧路亟

行輜治賦文均處軍輯井竈通此司空之官也收藏于後遺舍不離無淫輿無遺輜此輿之官也凡此五

官之于將也猶身之有股肱手足也必擇其人技能其才使官勝其任人能其事告之以政申之以令使

之若虎豹之有爪牙飛騎士漢書百官公卿表宿衛鳥之有六翮莫不為用騎士屯騎校尉掌騎士宿衛

後漢書百官志凡郎官皆彌留周書顧命篇病日臻主更直執戰宿衛諸殿門彌留既彌留孔安國作久

留唐肆求馬莊子汝殆著乎吾所以著也彼已盡矣而汝求之以為有是求馬于唐肆也郭

象注唐肆非停馬處也言求向者之有不可復得也人之生若馬之過肆耳恒無駐須臾新故之相續不

舍晝夜也著見也言女殆見吾所以見者耳夜壑藏吾所以見者日新也故已盡矣女安得有之

舟莊子夫藏舟于壑藏山于澤謂之固矣然道遊南而夜半有力者負之而走昧者不知也

子循天者與道遊者也如玉詩國風言念君子溫其隨人者與俗交者也如玉孔穎達正義云我

念君子之德行其心性温然其如玉無有瑕惡之處也

五情

曹植上責躬應詔詩表形影相弔五

情愧赧劉良注五情喜怒哀樂怨也

為人祭李舍人文

年月日某以茶藥之奠祭于故舍人李公之靈嗚呼見人多矣未有如子生于德門長于貴里名高江夏之童

重顧本作今校正

貌奪河陽之美行比曾顏才兼文史含恣輕

肥仰偃紈綺惡如涕唾棄如塵滓比布衣以同年甘蔬食而沒齒嗚呼深入度門高居道源獨一靜處寂默無

言待草誠之真性歸化光之法尊曠無淨染頓離塵根
豈期昨日分首別離未久萬法皆空一生何有無餘涅
槃應無所受無漏智慧斯為不朽予以凡情哀哀其後
世相謂然道心斯醜敢不從俗子其無咎

德門

南史謝氏自晉以降雅道相傳景恒景仁以德素傳美景懋景先以節義流譽方明行己之度

元暉藻績之奇各擅一時可謂德門者矣

江夏

後漢書黃香字文彊江夏安陸人博學經典究精道

術能文章京師號曰天下無雙江夏黃童

河陽

按晉書潘岳美姿儀嘗為河陽令

淨染成

識論染謂虛妄遍計所執淨謂真實圓成實性

無漏智慧

涅槃經我以無漏智慧熾火燒彼衆

生諸煩惱結翻譯名義肇師云決定審理謂之智造
心分別謂之慧天台云善入佛法名慧巧用佛法名
智

為人祭某官文

惟公宏量碩德寡言敏行直而能婉和而不競闕 儒墨

為鋒鏑在顏冉之季孟白雲刑官繡衣使者時無冤人
路多避馬既踐文昌來司武庫冀翟車之高足為鳳池
之先路豈期位薄德崇才遠途窮拜命之時初一朝于
北闕移疾于外不再入于南宮嗚呼哀輓悲笳寒天疎

木宅不卜地祔于故塋家無餘財斂以時服第難會葬
兒未及哭其營護而奠遣惟甥姪與姻族某嘗同官實
喜良友仰德彌高立言不朽居常接膝未忍分手况永
訣兮無期向空筵而灑酒尚饗

白雲刑官

服虔左傳注黃帝以雲名官蓋春官為青雲氏夏官為緡雲氏秋官為白雲氏冬官

為黑雲氏中

官為黃雲氏
繡衣使者

漢書遺直指使者暴勝之等衣繡衣杖斧分部逐捕漢書

蕭望之傳其後奸邪橫暴羣盜並起至攻城邑殺郡守克滿山谷吏不能禁明詔遣繡衣使者以興兵擊

之無冤人

漢書于定國傳張釋之為廷尉天下無冤民

武庫

唐書百官志庫部郎中員

外郎各一人掌戎器鹵簿儀仗元日冬至陳設祠祀
喪葬辭其名數而供焉凡戎器色別而異處以衛尉
幕士暴涼之京衛旗畫蹲獸立禽行幸則給飛走旗
兒諸衛儀仗以御史涖其度掌武庫器仗則兵部長
官涖其修完京官五品以上征行者翟車按周禮翟
假中纛旗幡稍諸衛給弓千牛給早車乃玉后
親桑所乘者非臣子
所用疑翟字有誤
立言不朽左傳太上有立德其
次有立功其次有立
言雖久不廢
此之謂不朽

為羽林將軍祭武大將軍文

維年月日將軍某等謹以清酌少牢之奠祭于故大將
軍武公之靈嗚呼武公命代出羣氣蓋朔方勇冠六軍

生長下國聲聞上天天子壯之命居北門北門伊何國
之重寄羽林孤兒旄頭突騎罔不畢勸為之元帥帝在
紫微與君為衛身恒披堅手不捨銳出乘天駟入並東
第同官為寮出入五世顧我軍旅凜然遺風一日之長
萬夫之雄身雖有極德不可窮嗚呼門館蒼黃風景淒
涼樞馬悲鳴角弓不張弔客接武哭聲滿堂嗚呼凡民
有喪匍匐斯救况我武公屢及其雷盥而撫之含玉當
受敢不嗣事如公之舊

羽林將軍

唐六典左右羽林衛大將軍各一人正三品將軍各二人從三品掌統領北衙禁兵

之法令而督攝左右廂飛騎之儀仗以統諸曹之職若大朝會則率其儀仗以周衛階陛若大駕行幸則夾馳道而為內仗凡飛騎每月番上者皆據其名歷而紀于所職其飛騎或有勅上南衙者則大將軍將軍承墨勅白移于金吾引駕仗引駕

朔方

唐書地理志關內道

有夏州朔方郡羽林孤兒

漢書武帝取從軍死事之子孫養羽林官教以五兵號羽林孤兒

旄頭

章懷太子後漢書注漢官儀曰舊選羽林為旄頭披髮先驅魏文帝列異傳曰秦文公時梓樹

化為牛以騎擊之騎不勝或墮地髻解被髮突騎漢牛畏之入水故秦因是置旄頭騎使先驅

鼉錯傳輕車突騎師古注突騎言其驍銳可用衝突敵人也後漢書上谷太守耿况漁陽太守彭寵各遣

其將吳漢寇恂等將突騎來助擊王郎章懷太子注突騎言能衝突軍陣紫微章懷太子

天有紫微宮是上帝之所居也王者立宮象而為之披堅漢書高帝紀朕親被

危難平暴亂師古曰被堅謂甲冑也執銳謂利兵也同官為寮左傳荀林父

奮斯救詩國風凡民有喪匍匐救之鄭康成箋匍匐

救及雷左傳三進及溜而後視之孔穎達正義曰

為崔常侍祭牙門姜將軍文

維大唐開元二十五年歲次丁丑十一月辛未朔四日

甲戌左散騎常侍河西節度副大使攝御史中丞崔公

致祭于故姜公之靈嗚呼天子命之建旗西門帶甲十
萬鐵騎雲屯橫挑強寇飲馬河源嗟爾勇健表為牙門
牙門伊何全齊大族四方有事誓死嗚轂前有血刃後
有飛鏃其氣益振大呼馳逐翩翩白馬象弧雕服戈椿
其喉矢集其目嗚呼天下無事今上好文爾有餘勇莫
敢邀勲腰鞬白首蹉跎塞雲死于裨將誰統前軍家本
秦人靈車東驚長天積雪邊城欲暮麾下哭前旌抗
路身有寶劍不佩而去轅有代馬悲鳴踟顧嗚呼我誠

軍吏令送爾歸既素我服亦朱其衣黠虜未滅壯士長

辭牢醴以祭太息歔歔尚饗

牙門

按杜氏通典牙門將冠服與將軍同魏文帝黃初中置明帝以胡烈為之又王隱晉書云陸機

少襲父為牙門吳重武官故也晉惠帝特置四部牙門以汝南王祐為之蜀以趙雲為之唐時無此官名

疑是軍中私署之職如押衙

雲屯

陸機詩胡馬如雲屯越騎亦星羅

橫挑強寇

漢書司馬遷傳李陵提步卒不滿五千深踐戎馬之地足歷王庭垂餌虎口橫挑強

寇仰億萬之師與單于連戰十餘日李善

注臣瓚曰挑挑敵來戰也古謂之致師飲馬左傳

北師次于郟沈尹將中軍子重將

全齊大族

唐書宰相世系

表崔氏出自姜姓齊丁公伋嫡子季子讓國叔乙食采于崔遂為崔氏濟南東朝陽縣西北有崔氏城是

也
戈椿其喉左傳敗狄于鹹獲長狄僑如富父終甥椿其喉以戈殺之埋其首于駒之門

矢集其目左傳楚君以鄭故親集矢于其目**餘勇**左傳齊高固入晉師桀石以投人禽

之而乘其車繫桑本焉以狗**腰鞬**徐陵與楊僕射書佩弭腰鞬**前**

旌庚信華林園馬射賦行瀾抱刺前旌載薦**代馬**韓詩外傳詩云代馬依北風飛鳥棲故巢皆不

忘本之謂也今本韓詩外傳無此文見李善文選注中**悲鳴跼顧**潘岳寡婦賦

進兮馬悲鳴而跼顧劉良注跼顧蹠跼顧眴不前也

為王常侍祭沙陀鄯國夫人文

維年月日朔河西節度使左散騎常侍王公遣總管石
抱玉以酒牢之奠致祭于故沙陀鄯國夫人之靈嗚呼
惟此淑德降于異域至性不師天姿靡飾禮容詎假于
環珮工藝非因于組織行閨訓于穹廬成母儀于蕃國
懿此清範夫人之則沙陀令門外家之力嗚呼夫人歸
命干戈遂寢子孫扞城國家高枕居之右地革其左衽
散辮垂鬢解裘衣錦嗚呼降年不永遠日方臨寂矣高
堂飲珠含玉哀哉貴女刃面摧心嗚呼聖朝命我護此

諸蕃夫人所出天子加恩能守漢制不效夷言馬無北首車必南轅教義所及忠信彌敦寶嘉內訕用潔斯樽

尚饗

沙陀

唐書沙陀西突厥別部處月種也始突厥東西部分治烏孫故地與處月處蜜雜居貞觀七年

太宗以鼓燾立利鄰咄陸可汗而族人步真缺望謀並其弟彌射乃自立彌射匱特勒劫越之子賀魯統之西突厥審釐內相攻其大酋乙昆咄陸可汗建廷鐵昌山之西號北廷而處月等又隸屬之處月居金娑山之陽蒲類之東有大磧名沙陀故號沙陀突厥云咄陸寇伊州引二部兵圍天山安西都護郭孝恪擊走之拔處月俟斤之城後乙昆可汗敗奔吐火羅賀魯來降詔拜瑤池都督徙其部廷州之莫賀城處

月朱邪闕俟斤阿厥亦請內屬永徽初賀魯反而朱邪孤注亦殺招慰使連和引兵據牢山于是射脾俟斤沙陀那達不肯從高宗以賀魯所領授之明年弓月道總管梁建方契苾何力引兵斬孤注俘九千人又明年廢瑤池都督府即處月地置金滿沙陀二州皆領都督賀魯亡安撫大使阿史那彌射次伊麗水而處月來歸乃置崑陵都護府統咄陸部以彌射為都護龍朔初以處月酋沙陀金山從武衛將軍薛仁貴討鐵勒授墨離軍討擊使長安二年進為金滿州都督累封張掖郡公金山死子輔國嗣先天初避吐蕃徙部北廷率其下入朝開元二年復領金滿州都督封其母鼠尼施為鄯國夫人輔國累爵永壽郡王蕃國周禮九州之外謂之蕃國世高枕漢書北狄不壹見各以其所貴寶為擊高枕服中國未得高枕安右地按漢書匈奴傳有左地右地蓋其國制寢也王侯大將皆分左右諸左王將居東方

直上谷以東接穢貊朝鮮右王將居刃面隋書突厥列傳有死

西方直上郡以西接月氏氐羌也者停屍帳中家人親屬多殺牛馬而祭之推心潘岳

遠帳號呼以刀劃面血淚交下七度而止推心寡婦賦少伶俜而偏孤南轅左傳令尹南轅反旆

奉和聖製聖劄賜宰臣連珠詞五首應制原注時為庫部

外員

臣聞大名馭寓天地同符間氣佐時君臣協德故千年聖主唐帝撫其寶圖七德諸侯周公為之元老

連珠傅元叙連珠曰所謂連珠者興于漢章帝之世班固賈逵傳毅三子受詔作之而蔡邕張華之

徒又廣焉其文體辭麗而言約不指說事情必假喻以達其旨而覽者微悟合于古詩諷興之義欲使歷歷如貫珠易覩而可大明詩大雅有大明之章鄭康成箋云二聖相承其明德

悅故謂之連珠也日以廣大故曰大明孔穎達正義云聖人之德終始實同但道加于民化有廣狹文王則纒及六州武王

徧被天下論其積漸之功故云千年聖主庚信徵調曲聖人千

日以廣大以其益大故曰大明年始一生黃河元老詩小雅方叔元老克壯其猶毛萇傳元大也五官之長出于諸

侯曰天子之老

臣聞有其才者效其職重其任者竭其能故樂播大風乃能調四氣身騎列宿于是運三光

樂播大風

左傳吳公子札來聘請觀于周樂為之歌齊曰美哉泱泱乎大風也哉表東海者其

太公乎國未可量也

四氣

禮記動四氣之和孔穎達正義動四氣之和者謂感動四時之氣序之和

平使陰陽順序也

臣聞先天不違德合于上事君盡力功濟于下故君臣

同體于大道庶人以康億兆宅心于至仁萬邦乃固

臣聞形之端者影必隨焉聲之善者響必應焉故偃武

修文皇天降之善氣薄賦省役后土報以豐年

臣聞宣至理者文懸之于日月表聖言者字動之以煙

雲故虞舜作歌徒施于典策伏羲畫卦未類于昭回

懸之日月

揚雄答劉歆書是懸諸日月不刊之書也

虞帝作歌

虞書帝庸作歌曰勅

天之命惟時惟幾乃歌曰股肱喜哉元首起哉百工熙哉

宮門誤不下鍵判

安上門應閉主者誤不下鍵

對設險守國金城九重迎賓遠方朱門四闢將以晝通
阡陌宵禁姦非眷彼閭人實司是職當使秦王宮裏不
失狐白之裘漢后廡中唯通赭馬之跡是乃不施金鍵

空下鐵關將謂堯人可封固無狗盜之侶王者無外有
輕魚鑰之心過自慢生陷茲註誤而抱關為事空欲望
于侯羸或犯門有人將何禦于臧紇固當無疑必實嚴
科

安上門

長安志皇城南面三門正南曰朱雀門東曰安上門西曰含光門

設險守國

見周易坎卦

金城

史記金城千里索隱曰金城言其實且堅也

四關

虞書關闈

人鄭康成周禮注闈人

狐白裘

史記秦昭王囚孟嘗君謀欲殺之孟嘗君

使人抵昭王幸姬求解幸姬曰妾願得君狐白裘此時孟嘗君有一狐白裘直千金天下無雙入秦獻之

昭王更無他裘孟嘗君患之徧問客莫能對最下坐
有能為狗盜者曰臣能得狐白裘乃夜為狗以入秦
宮藏中取所獻狐白裘至以獻秦王王者無外公羊
幸姬幸姬為言昭王昭王釋孟嘗君
者無臧紇左傳季孫怒命攻臧氏臧
外孫斬鹿門之關以出齊邦

王右丞集箋注卷二十七

欽定四庫全書

王右丞集箋注卷二十八

仁和趙殿成撰

論畫三首

畫學秘訣

夫畫道之中水墨最為上肇自然之性成造化之功或
咫尺之圖寫千里之景東西南北宛爾目前春夏秋冬
生于筆下初鋪水際忌為浮泛之山次布路岐莫作連

綿之道主峰最宜高聳容山須是奔趨迴抱處僧舍可
安水陸邊人家可置村庄著數樹以成林枝須抱體山
崖合一水而瀑瀉泉不亂流渡口只宜寂寂人行須是
踈踈泛舟楫之橋梁且宜高聳著漁人之釣艇低乃無
妨懸崖險峻之間好安怪木峭壁巉巖之處莫可遁途
遠岫與雲容相接遙天共水色交光山鈎鑠處汭流最
出其中路接危時棧道可安于此平地樓臺偏宜高柳
映人家名山寺觀雅稱奇杉襯樓閣遠景煙籠深巖雲

鎖酒旗則當路高懸客帆宜遇水低掛遠山須宜低排
近樹惟宜拔迸手親筆硯之餘有時遊戲三昧歲月遙
永頗探幽微妙悟者不在多言善學者還從規矩

塔頂參天不須見殿似有似無或上或下茅堆土埠半
露簷殿草舍廬亭畧呈檣檣 山分八面石有三方間
雲切忌芝草樣 人物不過一寸許松柏上現二尺長
凡畫山水意在筆先丈山尺樹寸馬分人遠人無目遠
樹無枝遠山無石隱隱如眉遠水無波高與雲齊此是

訣也山腰雲塞石壁泉塞樓臺樹塞道路人塞石看三
面路看兩頭樹看頂顛水看風脚此是法也凡畫山水
平夷頂尖者巔峭峻相連者嶺有穴者岫峭壁者崖懸
石者巖形圓者巒路通者川兩山夾道名為壑也兩山
夾水名為澗也似嶺而高者名為陵也極目而平者名
為坂也依此者粗知山水之髣髴也觀者先看氣象後
辨清濁定賓主之朝揖列羣峰之威儀多則亂少則慢
不多不少要分遠近遠山不得連近山遠水不得連近

水山腰掩抱寺舍可安斷岸坂堤小橋可置布路處則
林木岸絕處則古渡水斷處則煙樹水濶處則征帆林
密處則居舍臨巖古木根斷而纏藤臨流石岸歌竒而
水痕凡畫林木遠者踈平近者高密有葉者枝嫩柔無
葉者枝硬勁松皮如鱗柏皮纏身生土上者根長而莖
直生石上者拳曲而伶仃古木節多而半死寒林扶踈
而蕭森有雨不分天地不辯東西有風無雨只看樹枝
有雨無風樹頭低壓行人傘笠漁父蓑衣雨霽則雲收

天碧薄霧霏微山添翠潤日近斜暉
早景則千山欲曉霧靄微微朦朧
殘月氣色昏迷晚景則山銜紅日帆
捲江渚路行人急半掩柴扉春景則
霧鎖煙籠長煙引素水如藍染山色
漸青夏景則古木蔽天綠水無波穿
雲瀑布近水幽亭秋景則天如水色
簇簇幽林雁鴻秋水蘆鳥沙汀冬景
則借地為雪樵者負薪漁舟倚岸水
淺沙平凡畫山水須按四時或曰煙
籠霧鎖或曰楚岫雲歸或曰秋天曉
霽或曰古塚斷碑或曰洞庭春色或曰

路荒人迷如此之類謂之畫題山頭不得一樣樹頭不得一般山藉樹而為衣樹藉山而為骨樹不可繁要見山之秀麗山不可亂須顯樹之精神能如此者可謂名手之畫山水也

石刻二則

夫畫道之中水墨最為上肇自然之性成造化之功展或大或小之圖寫百里千里之景東西南北宛爾目前春夏秋冬生于筆下初鋪水際忌為浮泛之山已有路

岐莫作連綿之道主位唯宜高聳客山須是奔趨迴抱
處僧舍可安水陸邊人村可着數株樹以成林枝須抱
體一水通而瀑瀉泉可亂流渡口只宜寂寂人行須是
踈踈唯舟楫之橋梁且宜高聳通漁人之釣艇低乃無
妨懸崖險峻之間好安怪木峭拔千尋之處莫可通途
遠岫與雲容相接遙天共水色交光山鈎鑠處汨流最
出其中路接危時棧道可安茲地樓閣偏宜柳映人村
但把煙暝酒旗則當途高掛客帆宜雲水低張遠山須

要低排近樹唯宜拔逆手親筆硯之外未嘗虛度光陰
有時餘暇除此縈絆歲月遙永頗探幽微先生黌苑之
間意同斯矣無隱友人求予畫遂書之也太原王摩詰
集古堂記

吾友薛無隱長安人少有志操既冠不復應舉學行聲
名西北士人甚高之以飲酒吟詩為樂日道千首而不
勞酒飲一石而不醉自稱逍遙子累求予戲墨十三年
許之長沙一見告行掃之小軸四時之景以償前願長

安有好事者無隱也此畫能飽人矣能醉人矣但饑渴時聊展而有驗矣太原王維

石刻在關中前後有薛氏家藏并太原王維之記二
印後有唐賢題名云洛州刺史徐嶠之節度使孫志
真杭州刺史杜濟壽州刺史張鑑祕書監陸齊望臨
汝太守韋斌朝議大夫徐浩節度使李元諒節度使
李昌言節度使李祐節度使李聽節度使何進滔使
部尚書高元裕御史中丞裴曠節度使韋正貫節度
使樊澤祕書丞王守真汀州刺史沈珍少府監胡况
有唐十九名賢前後皆閱摩詰畫嘗題又有高陽沈
先庭跋曰得此圖并書迹及唐賢觀題遂排
列刊石于永興嘉祐二年八月十五日題

成按焦竑經籍志有王維山水論一卷集中無之後
閱說郭至九十一卷有王維所著畫學祕訣一篇知

焦氏所稱即此是矣焦氏蓋本之王世貞畫苑洎詹景鳳著畫苑補益採錄後一則作荆浩畫山水賦後之評題繪事者援引摘句多稱王維不稱荆浩然考其辭語殊不類盛唐人况維文章筆墨冠天下宜有絕妙好辭以寫其胸中所得之秘傳為模範以啓佑後人乃卑卑無甚雋言其為後人所託又何疑焉石刻二則其前一則與秘訣中首則微有異同後一則語亦凡近不能佳殆非維真筆也東觀餘論云俗傳石本王摩詰所畫四時山水上有摩詰薛邕等印蓋今淺俗所為見之令人鄙吝生而士大夫或收藏甚者張于屋壁是可嘆也嗟夫畫既偽矣其題記又安見為真哉顧其傳世已久姑且存之別為一卷以殿于詩文之後俾愛奇之士無嘆其闕畧焉耳至宋韓拙山水純全論中引右丞之言有路欲斷而不斷水欲流而不流之句又有松不離于弟兄謂高低相亞亦有子孫謂新枝相續數語若無全文可稽並附識

于此以為談繪
事者之考則焉



王右丞集箋注卷二十八

欽定四庫全書

集部

王右丞集箋注附錄

詳校官太常寺少卿臣陳桂森

檢討臣何思鈞覆勘

總校官檢討臣何思鈞

校對官助教臣卜惟吉

謄錄監生臣戴璵

欽定四庫全書

王右丞集箋注

仁和趙殿成撰

附錄三條

詩評

計五十二則

王右丞集十卷晁氏曰唐王維摩詰也太原人開元九年進士終尚書右丞維幼能屬文工草隸善畫名盛安祿山反陷賊中賊大宴凝碧池賦詩痛悼詩聞行在後

得免死代宗訪維文章于弟縉哀集十卷上之李肇記
維漠漠水田飛白鷺陰陰夏木轉黃鸝以為竊李嘉祐
者今嘉祐集無之豈肇厚誣乎陳氏曰建昌本與蜀本
次序皆不同大抵蜀刻唐六十家集多異于它處本而
此集編次尤無倫維詩清逸追逼陶謝輞川別墅圖書
摹傳至今嘗與裴迪同賦各二十絕句集中又有與迪
書畧曰夜登華子岡輞水淪漣與月上下寒山遠火明
滅林外深巷寒犬吠聲如豹村墟夜春復與疎鐘相聞

此時獨坐僮僕靜默每思曩昔攜手賦詩當待春中卉
木蔓發輕條出水白鷗矯翼露濕青臯麥雉朝雉倘能
從我遊乎余每讀之使人有飄然獨往之興迪詩亦佳
然它無聞于世蓋亦高人也輞川在藍田縣西南二十
里本宋之問別圃維後表為清源寺終墓其西

文獻
通考

粵若王維王昌齡儲光羲等三十五人皆河嶽英靈也

殷璠河嶽
英靈集序

沈宋既歿而崔司勳顥王右丞維復崛起于開元天寶

之間

獨孤及左補闕安
定皇甫公集序

王右丞韋蘇州澄澹精緻格在其中豈妨于道舉哉司空

圖與李生
論詩書

右丞蘇州趣味澄澹若清流之貫達司空圖與王
駕評詩書

為詩欲清深閒淡當看韋蘇州柳子厚孟浩然王摩詰

賈長江詩人
玉屑

暉翁詩評王右丞如秋水芙蓉倚風自笑詩人
玉屑

王摩詰詩渾厚閒雅覆蓋古今但如久隱山林之人徒

成曠淡也

西清詩話

顧長康善畫而不能詩杜子美善作詩而不能畫從容

二子之間者王右丞也

詩話總龜

蓋詩者樂之苗裔與漢之蘇李魏之曹劉得其正始宋

齊而下得其浮淫流佚唐之時子昂李杜沈宋王維之

徒或得其淳古淡泊之聲或得其舒和高暢之節而孟

郊賈島之徒又得其悲愁鬱堙之氣

歐陽修書梅聖俞藁後

右丞蘇州皆學于陶王得其自在

後山詩話

孟浩然王摩詰詩自李杜而下當為第一老杜詩云不

見高人王右丞又云吾憐孟浩然皆公論也

許彥周詩話

詩非苦吟不工信乎古人如孟浩然眉毛盡落裴祐袖

手衣袖至穿王維走入醋甕皆苦吟者也

雲仙散錄

韋蘇州詩韻高而氣清王右丞詩格老而味長皆五言

之宗匠然互有得失不無優劣以標韻觀之右丞詩格

老而味遠不逮蘇州至其詞不迫而味甚長雖蘇州亦

不及也

歲寒堂詩話

王維詩典重靚深學者不察失于容冶

木天
禁語

王維之作如上林春曉芳樹微烘百囀流鶯宮商迭奏
黃山紫塞漢館秦宮芊綿偉麗于氤氳杳渺之間真所
謂有聲畫也非妙于丹青者其孰能之矧迺辭情間暢

音調雅馴至今人師之誦之為楷式焉

史鑑
類編

詩總不離乎才也有天才有地才有人才吾于天才得
李太白于地才得杜子美于人才得王摩詰太白以氣
韻勝子美以格律勝摩詰以理趣勝太白千秋逸調子

美一代規模摩詰精大雄氏之學句句皆合聖教

而菴說唐

詩

王維詩高者似禪卑者似僧奉佛之應哉人心係則難

脫空同子

唐詩李杜之外孟浩然王摩詰足稱大家王詩豐緝而不華靡孟詩却專心古澹而悠遠深厚自無寒儉枯瘠之病儲光羲有孟之古而深遠不及岑參有王之緝而又以華靡掩之故子美稱吾憐孟浩然稱高人王右丞

而不及儲岑有以也夫

麓堂詩話

王摩詰孟浩然韋蘇州片言隻字皆不入俗

西麓周氏

晁補之云右丞妙于詩故畫意有餘余謂右丞精于畫

故詩態轉工鍾伯敬有云畫者有煙雲養其胸中此是

性情文章之助

劉士鐸文致

王維因鼓鬱輪袍登第而集中無琵琶詩畫思入神山
水平遠雲勢石色繪者以為天機所到而集中無畫詩
豈非藝成而下不欲言耶抑以樂而娛貴主以畫而奉

崔圓而不欲言耶

韻語
陽秋

成按右丞詩文因天寶之亂十不存一安知其生平
無琵琶詩耶此與杜子美集中無海棠詩遂謂子美
母名海棠者其妄誕無異真足令人一噓至於崔興
宗寫真之詩前身應畫師之句現存集中而謂其無
畫詩殆所謂不知子都之姣者歟

右丞遠樹帶行客孤城當落暉帶字當字極佳非得畫

中三昧者不能下此二字

青軒
詩緝

王右丞五言有絕佳者如瓜園贈裴十一迥納涼濟上
四賢詠諸篇格調既高而寄興復遠即古人詩中亦不
能多見者今選詩者俱不之取獨以西施詠之類入選

此不知何謂

四友齋
叢說

山谷老人曰余頃年登山臨水未嘗不讀王摩詰詩行
到水窮處云云顧知此老胸次定有泉石膏肓之疾

茗溪

漁隱
叢話

右丞終南別業詩有一唱三嘆不可窮之妙如輞川孟

城坳華子岡茱萸泝辛夷塢等詩右丞唱裴迪和雖各
不過五言四句窮幽入元學者當自細參則得之

瀛奎律髓

讀王摩詰詩愛其散髮晚未簪道書行尚把之句因用

為韻賦古風十首

陸放翁劍南詩稿

崔塗旅中詩漸與骨肉遠轉于僮僕親詩話亟稱之然
王維鄭州詩他鄉絕儔侶孤客親僮僕已先道之矣且

王語渾含勝崔

楊升菴詩品

王摩詰燕子龕詩雄奇蒼鬱非以李咸熙之筆寫之不

可芥子園
畫傳

韋給事山居詩善用韻曾登二韻險而無蹟羣山入戶
登一句尤奇比之王介甫兩山排闥送青來尤簡而有

味

瀛奎
律髓

右丞詩長于山林河明間井間一聯詩人所未有也牧

童田犬句尤雅淨

瀛奎
律髓

右丞漢江臨汎詩中兩聯皆言景而前聯尤壯足敵孟

杜岳陽之作

瀛奎
律髓

王右丞詩云江流天地外山色有無中是詩家極俊語

却入畫三昧

奔州山人藁

朱叔重嘗曰王右丞水田白鷺夏木黃鸝之詩即畫也

李思訓數年吳道玄一日其工夫學力所到者畫即詩

也

鐵網珊瑚

五言絕句當以王右丞為絕唱

四友齋叢說

摩詰輞川詩余深愛之每以語人輒無解余意者

朱子語錄

朱文公曰律詩如王維韋應物輩自有蕭散之趣未至

如今日之細碎卑冗無餘味也公又言余平生愛王摩

詰詩云漆園非傲吏自缺經世具偶寄一微官婆娑數

株樹以為不可及而舉以語人領解者少

鶴林玉露

山下孤煙遠村天邊獨樹高原非右丞工于畫道不能
得此語米元暉猶謂右丞畫如刻畫故余以米家山寫

其詩

畫禪室
隨筆

六言絕句如王摩詰桃紅復含宿雨及王荆公楊柳鳴

蛸綠暗二詩最為警絕後難繼者

玉林詩話

桃紅復含宿雨柳綠更帶春煙花落家僮未掃鶯啼
客猶眠每哦此句令人坐想輞川春日之勝此老傲睨

閒適于其間也

詩人
玉屑

曾子固謂蘇明允之文豐而不餘一言約而不失一辭
雖春秋立言亦不過如是槩而論之惟明允可以當此
非子固亦不能形容至此也魯直以摩詰六言詩方得
其法乃真知摩詰者惟其能知之然後能發明其祕要
須咀嚙久始信其難然則何獨詩邪凡落筆皆能如明

允斯可與論文矣

姑溪集

王維云古之高者曰許由挂瓢巢父洗耳耳非駐聲之地聲非染耳之跡惡外者垢內病物者自戕此尚不能至于曠士豈入道之門也維之談名理如此豈減晉人

邪

楊升菴文集

余年十七八時讀摩詰詩最熟後遂置之者幾六十年今年七十七永晝無事再取讀之如見舊師友恨間闕之久也嘉泰辛酉五月六日龜堂南窓書

陸游跋王右丞集

論近體者必稱盛唐若藍田王右丞維亦其一也其為律絕句無間五七言皆莊重閒雅渾然天成至于古詩句本冲澹而興則悠長諸詞清婉流麗殆未可多訾楊伯謙選唐詩論次其尤載在正音而晦翁先生考定楚辭後語亦存其山中人等作良有以邪詩凡六卷并附裴迪諸人詩共若干卷劉須溪蓋嘗校之宋元舊刻歲遠不存近刻于蜀字畫頗舛謬脫落夔以督覽分司迎鑿公暇特加披閱粗為辯正遂出俸資之餘令善小楷

者書之鏤人翻刻如本用裨詩壇採覽之便

廣信呂夔
王右丞集

序

高棟選唐詩品彙五古七古以王維為名家五律七律
五排五絕以王維為正宗七絕以王維為羽翼其五古
序云詩莫盛于唐莫備于盛唐論者推李杜二家為尤
其間又可名家者十數公至如子美所贊詠者王維孟
浩然所友善者高適岑參乾元以後劉錢接蹟韋柳光
前人各鳴其所長今觀襄陽之清雅右丞之精緻儲光

義之真率王江寧之聲俊高達夫之氣骨岑嘉州之奇
逸李頎之冲秀常建之超凡劉隨州之間曠錢考功之
清瞻韋之靜而深柳之温而密此皆宇宙山川英靈間
氣萃於時以鍾於人者也七古序云盛唐工七言古調
者多李杜而下論者推高岑王李崔顥數家為勝竊嘗
評之若夫張皇氣勢陟頓始終綜覈乎古今博大其文
辭則李杜尚矣至於沉鬱頓挫抑揚悲壯法度森嚴神
情俱詣一味妙悟而佳句輒來遠出常情之外之數子

者與李杜並驅而爭先矣五律序云盛唐律句之妙者
李翰林氣象雄逸孟襄陽興致清遠王右丞詞意雅秀
岑嘉州造語竒峻高常侍骨格渾厚七律序云盛唐作
者雖不多而聲調最遠品格最高賈至王維岑參早朝
倡和之作當時各極其妙王之衆作尤勝諸人五言排
律序云開元後作者之盛聲律之備獨王右丞李翰林
為多而孟襄陽高渤海實相與並鳴五言絕句序云開
元後獨李白王維尤勝諸人云云

唐人倡和之詩多是感激各臻其妙如早朝大明宮杜
甫云旌旗日暖龍蛇動宮殿風微燕雀高王維云九天
闔闔開宮殿萬國衣冠拜冕旒岑參云花迎劍佩星初
落柳拂旌旗露未乾登慈恩寺塔詩杜甫云高標跨蒼
穹烈風無時休俯視同一氣焉能辨皇州高適云秋風
昨夜至秦塞多清曠千里何茫茫五陵鬱相望岑參云
秋色從西來蒼然滿關中五陵北原上萬古青濛濛此
類甚多是皆雄渾悲壯足以凌跨百代

唐詩
品彙

李林甫瑀嶽應制曰雲收二華出天轉五星來十月農
初罷三驅禮後開兩聯皆用數目字不可為法王摩詰
送邱為曰五湖三畝宅萬里一歸人此聯疊用數目字

不為病也

詩家
直說

絕句如王摩詰廣武城邊逢暮春汶陽歸客淚沾巾落
花寂寂啼山鳥楊柳青青渡水人與渭城朝雨一篇韋
應物雨中禁火空齋冷江上流鶯獨坐聽把酒看花想
諸弟杜陵寒食草青青皆風人之絕響也

詩家
直說

詩人之詩字句不苟王維諸人是也才子之詩句字章法若罔聞知李白諸人是也困學之詩格調詞意匠心措置杜甫諸人是也閒適之詩並詩俱忘陶潛諸人是

也

彈雅

詩貴意意貴遠不貴近貴淡不貴濃如杜詩鉤簾宿鷺起九藥流鶯轉李詩桃花流水窅然去別有天地非人間摩詰反景入深林復照青苔上皆淡而濃近而遠可

為知者道也

李杜詩緯

律詩貴工於發端承接二句尤貴得勢如懶殘履衡岳
之石旋轉而下此非有伯昏無人之氣者不能也如萬
壑樹參天千山響杜鵑下即云山中一夜雨樹杪百重
泉昔聞洞庭水今上岳陽樓下即云吳楚東南坼乾坤
日夜浮古戍落黃葉浩然離故關下即云高風漢陽渡
初日郢山門錦瑟怨遙夜繞絃風雨哀下即云孤燈聞
楚角殘月下章臺此皆轉石萬仞手也

分廿
餘話

王右丞文集十卷寶應二年正月七日王緡搜求其兄

詩筆十卷隨表奉進此刻是麻沙宋板集中送梓州李使君詩亦如牧翁所跋作山中一半雨樹杪百重泉知

此本之佳也

讀書敏求記

元肅以下詩人其數什百語盛唐者唯高王岑孟四家為最語四家者唯右丞為最其為詩也上薄騷雅下括漢魏博綜羣籍漁獵百氏于史子蒼雅緯候鈴決內學外家之說芑并總統無所不闕郵長于佛理故其摛藻奇逸措思冲曠馳邁前渠雄視名儁凡今長老薦紳之

屬工為詩者恒嗟賞而雅崇之殆與耳食無異

顧起經題王右

丞詩箋
小引

畫錄 計一百十九則

王維字摩詰開元初擢進士官至尚書右丞唐史自有傳其出處之詳此得以畧也維善畫尤精山水當時之畫家者流以謂天機所到而所學者皆不及後世稱重亦云維所畫不下吳道元也觀其思致高遠初未見于丹青時時詩篇中已自有畫意由是知維之畫出于天

性不必以畫拘蓋生而知之者故落花寂寂啼山鳥楊柳青青渡水人又與行到水窮處坐看雲起時及白雲迴望合青靄入看無之類以其句法皆所畫也而送元二使安西詩者後人以至鋪張為陽關曲圖且往時士人或有占其一藝者無不以藝掩其德若閻立本是也至人以畫師名之立本深以為耻若維則不然矣迺自為詩云夙世謬詞客前身應畫師人卒不以畫師歸之也如杜子美作詩品量人物必有攸當時猶稱維為高

人王右丞也則其他可知何則諸人之以畫名于世者止長于畫也若維者妙齡屬詞長而擢第名盛于開元天寶間豪英貴人虛左以迎寧薛諸王待之若師友兄弟廼以科名文學冠絕當代故時稱朝廷左相筆天下右丞詩之句皆以官稱而不名也至其卜築輞川亦在圖畫中是其胸次所存無適而不瀟灑移志之于畫過人宜矣重可惜者兵火之餘數百年間而流落無幾後來得其髣髴者猶可以絕俗也正如唐史論杜子美謂

殘膏賸馥露丐後人之意况迺真得維之用心處耶今
御府所藏一百二十有六太上像二山莊圖一山居圖
一棧閣圖七劍閣圖三雪山圖一喚渡圖一運糧圖一
雪岡圖四捕魚圖二雪渡圖三漁市圖一驟網圖一異
域圖一早行圖二村墟圖二度關圖一蜀道圖四四皓
圖一維摩詰圖二高僧圖九渡水僧圖三山谷行旅圖
一山居農作圖二雪江勝賞圖二雪江詩意圖一雪岡
渡關圖一雪川羈旅圖一雪景餞別圖一雪景山居圖

二雪景待渡圖三羣峯雪霽圖一江臯會遇圖二黃梅
出山圖一淨名居士像三渡水羅漢圖一寫須菩提像
一寫孟浩然真一寫濟南伏生像一十六羅漢圖四十

八宣和
畫譜

玄宗時王維特妙山水幽深之致远古未有封氏聞
見記

唐右丞王維文章冠世畫絕古今純全
集

古人欲以一藝名世者必精思入神極古今之變而後
已故能洞達天機氣隨物在至觀之者亦有感格相應

之理如摩詰苔磯靜釣水閣閒碁令人不覺身在其間

玉堂
嘉話

世言摩詰筆蹤措思參于造化而初意經圖即有所缺
如山水平遠雲峰石色絕迹天機非繪者所及觀此圖
便知古人之論為得正使後之評者不得加此余見或
以畫名者無復生動氣象不過聚石為山分畫寫水又
豈可與論人家在仙掌雲氣欲生衣者耶

董道書王摩
詰山水後

右丞詩云宿世謬詞客前身應畫師余謂右丞雲峰石

迹迴出天機筆思縱橫參乎造化唐以前安得有此書

師也

董其昌
畫評

右丞以前作者無所不工獨山水神情傳寫猶隔一塵
自右丞始用皴法用渲運法若王右軍一變鍾體鳳翥
鸞翔似竒反正右丞以後作者各出意造如王洽李思
訓輩或潑墨瀾翻或設色媚麗顧蹊徑已具模擬不難
比于書家歐虞褚薛各得右軍之一體耳

董其昌
畫旨

文人之畫自王右丞始其後董源巨然李成范寬為嫡

子李龍眠王晉卿米南宮及虎兒皆從董巨得來至元
四大家黃子久王叔明倪元鎮吳仲圭皆其正傳吾朝
文沈則又遠接衣鉢若馬夏及李唐劉松年又是大李
將軍派非吾曹當學也

容臺集

禪家有南北二宗唐時始分畫之南北二宗亦唐時分
也但其人非南北耳北宗則李思訓父子著色山水流
傳而為宋之趙幹趙伯駒伯驥以至馬夏輩南宗則王
摩詰始用渲淡一變拗研之法其傳為張璪荆關董巨

郭忠恕米氏父子以至元之四大家要之摩詰所謂雲
峰石迹迴出天機筆意縱橫參乎造化者東坡贊吳道
子王維畫壁亦云吾子維也無間言知言哉

容臺集

唐人王摩詰李思訓之流畫山川峰麓自成變態雖蕭
然有出塵之姿然頗以雲物間之作浮雲杳靄與孤鴻
落照滅沒于江天之外舉世宗之而唐人之典刑盡矣

東坡集

王右丞筆墨宛麗氣韻高清巧寫象成亦動真思

荆浩畫山

水錄

僕為夏縣令寄居司馬文季朴家出藏先聖畫像示僕
傳云王摩詰筆也僕因令善工摹之眼中神采殊不相
類使人意不滿畫像上長下短其背微僂以傳考之想
當然爾莊子載老萊弟子出薪遇仲尼反以告曰有人
于此修上而趨下末僂而後耳視若營四海注云長上
而促下耳却近後而上僂末僂謂背微曲也然此皆可
畫若夫視若營四海乃聖人憂天下之容非摩詰不能

作懶真子

宋中興館閣儲藏王維菩薩一普賢一須菩提一孔雀

明王一濟南伏生圖一捕魚圖四盤車圖一朱陳嫁娶

圖一拂林人物一雪霽曉行圖一山水二

宋中興館閣續錄

王輞川以凝碧詩見知當世餘事丹青亦造神品晚年

長齋刻意空門學室中唯繩牀經案退朝之後焚香獨

坐大有所契證三復斯畫知其不苟毘邪一會儼然目

中觀者要當于默然處驚海濤春雷之作始不負渠李彌

遜題唐王維畫維
摩文殊不二圖

乙丑六月念一日同伯幾訪喬仲山運判觀畫王維維

摩像其像如生

志雅堂
雜鈔

喬達之簣成號仲山所藏王維畫維摩像如生

雲煙過
眼錄

喬仲山家王維維摩視疾圖宣和明昌睿思東閣王維

秋山蕭寺

因學齋
雜錄

張脩字誠之少卿家有辟支佛下畫王維仙桃巾黃服
合掌頂禮乃是自寫真與世所傳關中十大弟子真法

相似是真筆世俗以蜀中畫騾網圖劍門關圖為王維
甚衆又多以江南人所畫雪圖命為王維但見筆清秀
者即命之如蘇之純家所收魏武讀碑圖亦命之維李
冠卿家小卷亦命之維與讀碑圖一同今在余家長安
李氏雪圖與孫載道字積中家雪圖一同命之為王維
也其他貴族家不可勝數諒非如是之衆也

米芾
畫史

摩詰演教羅漢圖一軸上有徽宗御題押案宣和畫譜
摩詰羅漢凡四十六軸此其一也公繪事既妙絕而奉

佛尤篤所畫羅漢于端嚴靜雅外別具一種慈悲意袈
裝文織組秀麗千載奕奕有生色此君嘗云夙世自禪

伯前身應畫師乃稱耳

弇州山人稟

余嘗見梁思伯篋中有王摩詰演教圖此是王府中物
托其裝潢故攜以自隨是設色者人物山水無不臻妙

四友齋叢說

此軸必有十六僧所存者卷末三僧爾王摩詰三字恨
無摩詰他字可參校上用圓角印其文為堊釋宣摩詰

別號邪世畫渡水僧或乘龍或履龜鼈類多詭怪恍惚
不近人情今最後一僧先登于岸雖目視雲際孤鶴然
脫衣在磐石上欠伸垂足若休其勞苦者前一僧未渡
纔數寸淺水而中一僧乃倒錫杖以援之三僧者皆至
人大士而涉川之際謹重如彭祖之觀井曷嘗以蘆渡
杯渡為神哉嗚呼此固非摩詰不能作歟三僧者抑禪
家所謂老古錮云

劉克莊題王摩
詰渡水羅漢圖

前松江鎮守張萬戶出五手卷王維渡水僧高宗御題

絕妙

志雅堂
雜鈔

王仲至閱吾家畫最愛王維畫黃梅出山圖蓋其所圖
黃梅曹溪二人氣運神檢皆如其為人讀二人事蹟還

觀所畫可以想見其人

夢溪
筆談

右唐王維畫濟南伏生像宋祕府物今藏金陵王休伯
家余官金陵聞休伯所藏書畫甚富一日與顧吏部華
玉過之休伯張燕余戲謂之曰必出書畫乃飲始出宋
元者亦有唐人筆余與休伯笑而不答遂出此及維著

色山水一卷余不覺驚伏以為平生之未見也但古人之坐以兩膝著地未嘗箕股而秦漢之書當用竹簡今像乃箕股而坐馮几伸卷此則余所未曉抑余聞維嘗畫雪中之蕉母乃類是而不必拘拘于形似者邪

寓意編

王摩詰自謂宿世緣詞客前身真畫師故竇蒙所著畫拾遺稱之云詩合國風公幹之能畫關山水子華之聖加以心融物外道契元微則其用筆清潤秀整豈他人之可並哉余在毘陵見孫潤夫家有王維畫孟浩然像

絹素敗爛丹青已渝維題其上云維嘗見孟公吟曰日
暮馬行疾城荒人住稀又吟曰挂席數千里名山都六
逢泊舟潯陽郭始見香爐峰余因美其風調至所舍圖
于素軸又有太子文學陸羽鴻漸序云昔周王得駿馬
山谷之人獻神馬八匹葉公好假龍庭下見真龍一頭
顏太師好異典郭山人閔贈金匱文李法曹好古篆莫
居士贈玉筋字此四者得非氣合不召而至焉中國生
舊任杞王府戶曹任廣州司馬金陵崔中字子向家有

古今圖書一百餘軸其石上蕃僧巖中二隱西方無量
壽佛天下第一余有王右丞畫襄陽孟公馬上吟詩圖
並其記此亦謂之一絕故贈焉以裨中園生畫府之闕
唐貞元元年正月二十有一日誌之後有本朝張洎題
識云癸未歲余為尚書郎在京師客有好事者浚儀橋
逆旅見王右丞襄陽圖尋訪之已為人取去他日有吳
僧楚南挈圖而至問其所來即浚儀橋之本也雖縑軸
塵古尚可窺覽觀右丞筆迹窮極神妙襄陽之狀頽而

長峭而瘦衣白袍靴帽重戴垂歛段馬一童總角提書
笈負琴而從風儀落落凜然如生復觀陸文學題記辭
翰竒絕金匱文前史遺事中園生彼何人斯按孟君當
開元天寶之際詩名籍甚一遊長安右丞傾蓋延譽或
云右丞見其勝已不能薦于天子因坎軻而終故襄陽
別右丞詩云當路寧相假知音世所希乃其事也予頃
在金城亦曾見一圖蓋傳寫之本所題詩後有水落魚
梁淺天寒夢澤深之句今真本即無故事存焉以遺來

者孟冬十有一日南樵張洎題潤夫謂此畫是維親筆無疑余謂曰此俗工躡本也張洎謂襄陽之狀頎而長峭而瘦今所繪乃一矮肥俗子爾徐觀其題識三篇字皆一體魯魚之誤尤多信非維筆潤夫然之因以題識

書于此

韻語
陽秋

王介石虎臣所藏王維畫孟浩然像昔為趙碧澗由祚後歸趙信之又歸喬仲山仲山又歸之郭北山

雲煙過
眼錄

王琪字君玉收王維畫堯民鼓腹圖

米芾
畫史

王右丞工人物山水筆意清潤畫羅漢佛像至佳平生喜作雪景劍閣棧道騾網曉行捕魚雪渡村墟等圖其畫輞川圖世之最著者蓋其曾次瀟灑意之所至落筆便與庸史不同

畫鑒

王摩詰作輞川圖長二三丈起自蜀川江鄉風物靡不畢備精妙罕見

名畫記

王摩詰開元中擢進士第官尚書右丞以胷中所蘊發于毫端詩似淵明而聲律整齊山水法道元而風致特

出世稱為詩中有畫畫中有詩意到處不拘小節如雪中芭蕉脫去凡近非具眼不能識也家居藍田輞川常自作輞川圖山峯盤迴竹木瀟灑其石小劈斧皴稍多雀爪葉多夾筆描畫人物睂目分明衣摺丁頭鼠尾樓閣用筆界畫筆力清勁曲盡精微真如臺閣文章鏘金戛玉故當在第一品也

山水家法真蹟

王摩詰自作輞川圖筆墨可謂造微入妙然世有兩本一本用矮紙一本用高紙意皆出摩詰不疑臨摹得人

猶可見其得意於林泉之髣髴

黃山谷集

元祐丁卯余為汝南郡學官夏得腸癖之疾卧直舍中
所善高符仲攜摩詰輞川圖示余曰閱此可以愈疾余
本江海人得圖喜甚即使二兒從旁引之閱于枕上恍
然若與摩詰入輞川度華子岡經孟城坳憩輞口壯泊
文杏館上斤竹嶺並木蘭柴絕茅蕒泝躡槐陌窺鹿柴
返于南北垞航歌湖戲柳浪濯藥家瀨酌金屑泉過白
石灘停竹里館轉辛夷塢抵漆園幅巾杖履棋奕茗飲

或賦詩自娛忘其身之匏繫于汝南也數日疾良愈而符仲亦為夏侯太冲來取圃遂題其末而歸諸高氏

秦少

游書輞川圖後

輞川圃一軸李趙公題其末云藍田縣鹿苑寺主僧子良贖于余且曰鹿苑即王右丞輞川之第也右丞篤志奉佛妻死不再娶潔居逾三十載母夫人卒表宅為寺今冢墓在寺之西南隅其圖實右丞之親筆余閱玩珍重永為家藏宏憲題其前一行云元和四年八月十三

日宏憲題宏憲者吉甫字也其後衛公又跋云無間閱
篋書中得先公相國所收王右丞畫輞川圖實家世之
寶也先公凡更三十六鎮故所藏書畫多用方鎮印記
白樂天詩所說清源寺即輞川云洪慶善作丹陽洪氏
家譜序云丹陽之洪本姓宏避唐諱改有宏憲者元和

四年跋輞川圖亦大錯也

容齋
隨筆

輞川二十境勝槩冠秦雍摩詰既居之畫之又與裴生
詩之其畫與詩後得贊皇父子書之善并美具無以復

加宜為後人寶玩摹傳永垂不刊然此地今遺趾僅存
園湖垞泝率為疇畝未有高士踵茲逸懷使人慨想深
政和二年六月五日常山宋烜武陽黃某于河南官舍

同觀

黃伯思跋
輞川圖後

世傳此圖本多物象靡密而筆勢鈍弱今所傳則賦象
簡遠而運筆勁峻蓋摩詰遺蹟之不失其真者當自李
衛公家定本所出云大觀四年三月初吉會稽黃某書

黃伯思又跋
輞川圖後

輞川集總田園所為詩分序先後可以意得其處古傳輞水如車縛頭因以得名維自罷官居輞口者十年日與裴迪浮舟往來彈琴賦詩此圖于像見之然詩有在垞北垞華子岡歌湖竹里館茱萸泝辛夷塢此畫頗失其舊當依其說改定其後維舍此地為浮圖居今清源寺是也

廣川
畫跋

王維畫小輞川摹本筆細在長安李氏人物好此定是真若比世俗所謂王維全不類或傳宜興楊氏本上摹

得米芾
畫史

文彥博太師小輞川拆下唐跋自連真還李氏一日同
出坐客皆言太師者真唐張彥遠名畫記云類道子又
云雲峯石色絕迹天機筆思縱橫參予造化孫氏圖僅
有之餘未見此趣

米芾
畫史

宋景文公著唐書列傳文法嚴簡其勢無由汎及散漫
而于摩詰備載華子罔歌湖竹里館柳浪菴莫汧辛夷
塢之目何所不憚煩耶君子隱居以求其志行義以達

其道隨所寓而自得焉必欲山水花木之勝則其志荒矣是故文藝絕人高韻天放而無卓然節操者志荒之罪也宋公之意其殆有傲于玩物者乎善觀是圖者併以是求之

虞集跋王維
輞川圖後

往年備官京都從吳興公入道山延閣書題裝潢畫卷見王摩詰輞川莊圖草後又見圖本郝參知家有四川宣撫司都大茶馬司官印位置纖悉俱備公首玩賞顧余言曰蘭亭序草為古今法書所宗正若此耳此龍眠

山莊圖草全用其法而行筆細潤迺有超越之意古人

翻案法正當于此求之

柳待制集

王右丞輞川圖與余昔在杭苕故家見者一樣前有集
賢院御書印內合同印題摩詰本後書河北郭忠恕奉
命復本則知為江南李後主時臨本也虎賁中郎更無
辨處郭亦妙筆矣右丞唐開元天寶朝士名維字摩詰
工詩畫輞川其所居自寫為圖精密細潤在小李將軍
著色山水上今如魯寶玉大弓絕無僅有吾昂霄珍之

重之攜上天京名公相一見賞識鑒定價增十倍大德

戊戌冬至廬陵民八十叟李珏元暉敬跋

書畫題
跋記

右王摩詰輞川圖臨之者郭忠恕再臨者仇英實父也
其二十絕句書者文待詔徵仲也余嘗謂讀摩詰絕句
更一覽輞川圖便覺如上下華子岡斤竹嶺騁宮槐陌
汎南北垞歌湖柳浪徙倚木蘭柴菜萸汧即文杏館而
休焉酌金屑之泉與裴廸秀才對語不知我之為摩詰
摩詰之為我也然則摹本何必實父而書亦何必徵仲

哉

王弼州
續稿

予家自高祖南山翁以來好蓄名畫聞之家君云妙品

有王摩詰輞川圖

寓意
編

王右丞輞川圖曾入祕府弘治間黃休伯叔賜剝古漆

墩得之

豐道生華氏
真賞齋賦注

傳聞嚴氏藏王維輞川圖真蹟妙絕

清河書
畫舫

嚴氏書畫記掛軸有王維輞川雪溪圖三軸圓光小景

二軸手卷有王維輞川圖三卷三峽圖雪溪圖女史圖

濟南伏生像

珊瑚網

摩詰畫有極簡古粗辣者作樹頭如撮米樹本如丁櫪
山如浪起沙如錐畫千重百重又于梢末露之余于熒
澤公館中見一屏就視乃陝刻摩詰藍田莊圖石本雖
石頑工拙未盡本妙然其用意未嘗不可追而思也古

巖先生囑寫并識

程邃
題畫

鈎勒梧桐見王維輞川圖

芥子園
畫傳

吾家伊上塢亦自有椒園漠漠清香遠離離丹實繁盈

襜常要采折柳不須藩每看輞川畫起予商可言

文彥博題

輞川圖詩

輞川誠自好人各愛吾園欲縱家山樂終縻吏事繁鴻

飛思避弋羝觸困羸藩幾日歸陶徑方知踐此言

韓琦和文

潞公題右丞輞川圖詩

丹青王右轄詩句妙九州物外嘗獨往人間無所求袖

手南山雨輞川桑柘秋胸中有佳處涇渭看同流

黃山谷題

摩詰畫詩

欽定四庫全書



五石山集卷注

二十一

騷韻禪談意未央歌湖煙月墮微茫園林鐘鼓清時樂
好箇裴公綠野堂 狀物何如及物功開元真宰說姚
崇未妨僦屋招提裏斗米三錢四海同 凝碧池邊野

鹿過空垂雙泣賦悲歌論忠不到平原列馳譽丹青
足多 文彩風流映一時丹青三昧有餘師戲將萬斛

歌湖水寫盡南山五字詩

王秋澗題王右丞網川圖詩

開園縱竒觀江山鬱相繆兩垞轟宮宮重湖渺漭漭
宇抗疏嶺危亭俯圓流春塢辛夷發夏陌高槐稠竹館

翠陰晚莫泚紅寶秋遠墅漆未割近園椒欲收驚鳥避
溪泉野鹿迹巖幽日暮川上歸涼颺蕩孤舟靄靄雲氣
合漠漠煙光浮顧思天寶初綱紀壞不修霓裳按妖拍
擊鼓起奸謀豈無匡濟術廼為閒曠留菱歌自來往葩
辭更倡酬遂令摸寫間意度猶可求乾坤多變態江海
生暮愁白鷗飛不去千載空悠悠

貢師泰題王
維輞川圖詩

輞口風煙春日遲淺沙深渚帶東菑紅杏花開翔白鶴
綠楊絲裊逗黃鸝山雲寂寂入寒竹野露瀼瀼裊嫩葵

欽定四庫全書

王右丞集卷注
附錄

誰似右丞清絕處千秋一士更何疑

鄧文原王維高
本輞川圖詩

瀟灑開元士神圖繪輞川樹深疑坳小溪靜見沙圓徑
竹分青靄庭槐斂暮煙此中有高卧欹枕聽飛泉 畫

裏詩仍好紫迴自一川湖晴嵐氣爽浪靜柳陰圓賦詠
成珠玉經營起霧煙當年滿朝士若今在林泉 吳仲圭
右丞輞

川圖
詩

王維山水圖輞川圖驪山圖神品上上

玉堂
嘉話

安遠門西萬里餘耕桑煙火總民居只應勤政樓中夢

百倍華清樂不如 憶昔風流王右丞開元親侍玉堂

廬細吟凝碧池頭句政恐丹青是諫書

王惲題摩詰
驪山宮圖詩

王維輞川雪景細絹寫小橫幅精極古松上用粉作積

雪有款在臨溪吳氏

東圖
元覽

金陵胡編修藏王摩詰輞川雪景絹畫沈宜謙云是宋
人臨本之絕佳者其雪用銀泥打底上更用粉細細點

雪

東圖
元覽

徐太常輞川圖一卷多名跋吳範菴題其後云此卷宋

人藏漆竹筒中以之拄門後啓視乃輞川圖也余觀之
即未必果出右丞然絹素極細却是雪景以浮粉著樹
上瀟灑清韻應是宋人臨本非後人可到也

太平
清話

禾興馮開之家藏唐宋名蹟頗多王維江山雪霽圖尤
為冠絕諸本原係大元內府故物曾經趙子昂鑒定傳
聞右丞花遠重重樹雲深處處山小幀在文徵仲太史
家紙本淺絳色布景極異落筆精微以較馮氏所藏江
山雪霽圖可方駕也此畫原係矮直輻太史恐其日久

愈壞命工補綴為短卷近人題跋復得啓南翁筆海內
稱為墨皇不妄也

清河書
畫舫

吳崑麓夫人與余外族有葭莩之親偶攜此卷見示述
其先得之管後宰門小火者火者家有一鐵樞門門或
云漆布竹筒搯之似有聲一日為物所觸遂破墮三卷
此其一也余初未深信翻閱再三不覺神王因閉戶焚
香屏絕他事便覺神峯吐溜春浦生煙真若蠶之吐絲
蟲之蝕木至如粉縷曲折毫膩淺深皆有意致信摩詰

精神與水墨相和蒸成至寶得此數月以來每一念及輒狂走入丈室飽閱無聲出戶見俗中紛紜殊令人捉鼻也真實居士記于南翰林院之寄樂亭

馮夢禎題王右丞江山雪

卷

畫家右丞如書家右軍世不多見余昔年于嘉興項太學元汴所見雪江圖都不皴擦但有輪廓耳及世所傳摹本若王叔明劔閣圖筆法類李中舍疑非右丞畫格又余至長安得趙大年臨右丞湖莊清夏圖亦不細皴

稍似項氏所藏雪江卷而竊意其未盡右丞之致蓋大家神品必于皴法有奇大年雖俊爽不耐多皴遂為無筆此得右丞一體者也最後復得郭忠恕輞川粉本乃極細皴相傳真本在武林既稱摹寫當不甚遠然余所見者庸史本故不足以定其畫法矣惟京師楊高郵州將處有趙吳興雪圍小幅頗用金粉間遠清潤迥異常作余一見定為學王維或曰何以知是學維余應之曰凡諸皴法自唐及宋皆有門庭如禪燈五家宗派使人

聞片語單詞可定其為何派兒孫今文敏此圖行筆非
僧繇非思訓非洪谷非關仝乃知董巨李范皆所不攝
非學維而何今年秋聞廣陵有王維江山霽雪一卷為
馮宮庶所收亟令友人走武林索觀宮庶珍之自謂如
頭目腦髓以余有右丞畫癖勉應余請清齋三日始展
閱一過宛然吳興小幅筆意也余用是自喜且右丞自
云宿世謬詞客前身應畫師余未嘗得覩其跡但以想
像取之果得與真肖合豈前身曾入右丞之室而親覽

其盤礴之致故結習不昧乃爾邪庶子書云此卷是京師後宰門拆古屋于折竿中得之凡有三卷皆唐宋書畫也余又妄想彼二卷者安知非右軍蹟或虞褚諸名公臨晉帖邪儻得合劍還珠足辦吾兩事豈造物妒完聊畀余于此卷中消受清福邪老子云同于道者道亦樂得之余且珍之以俟

容臺集

昔人評王右丞畫以為雲峯石色迴出天機筆思縱橫參乎造化余未之見也往在京華間馮開之得一圍于

金陵走使緘書借觀既至凡三薰三沐乃長跼開卷經
歲開之復索還一似漁郎出桃花源再往迷誤悵惘久
之不知何時重得路也因想像為寒林遠岫圖世有見

右丞畫者或不至河漢

畫禪室
隨筆

王右丞畫予從攜李項氏見釣雪圖盈尺而已絕無皴
法最後得小幅乃趙吳興所藏頗類營丘而高簡過之
又于長安揚高郵所得山居圖則筆法類大年有宣和
題然不如馮祭酒江山雪霽圖具有右丞妙趣

畫禪室
隨筆

王維雪溪圖李成寒林平野圖徐熙柳穿魚圖皆宋府
祕物為吳中王氏藏本並神品也

清河書
畫坊

摩詰奕棋圖在絹素上卷首五大字為李西涯公篆書
鈐縫有政和宣和二方印雪溪圖宋徽廟宸翰題簽此
卷歸程季白入唐宋元寶繪冊江山雪霽卷馮開之快
雪日記云吳崑麓得之管後宰門小火者家有一鐵櫃
門闕挫之有聲一日破墮三卷此其一也此卷海內推
為墨王自有神物護持砢玉先得臨本復見真本小簇

山水朝川圖

珊瑚網

蓬萊道山人間風日不到玉篴金鑰典祕甚嚴有平生
畜眼未嘗見者天旋地轉散落委棄故人李君祥得之
出以示余其犀玉已被剔取所幸畫無恙耳展玩之餘
不覺涕淚闌干蓋歎是圖之不遭也請靳固之以待異
日萬金之購云蓬山道人劉詡題

題王維
雪溪圖

曉徑霑衣濕登臺試屐危乾坤增壯觀江海得深期
歷亂瑤華吐紛披玉樹枝精微誰與並顧陸頗相宜
碧樹

擁江扉朱簾卷翠微
崇朝無客過傍晚有漁歸
嶺耀梅重

白隄縈絮正飛若留清夜賞鉛粉更光輝

吳仲圭王右丞雪溪圖詩

中原王冠朝元台制幹
家王摩詰橫披山水圖
廣都宇文時中

季蒙龍圖家王維雪山圖
范榮公孫淑忠甫家王維雪竹圖

畫繼

范大珪字君錫富鄭公壻
同行相國寺以七白金常賣

處買得雪圖破碎甚古
如世所謂王維者劉伯玉相值

笑問買何物因衆中展示
伯玉曰此誰筆余曰王維伯

玉曰然適行一遭不見
豈有所歸乎余假范人持之良

久並范不見翌日去取云已送西京背同行梅子平大
怒曰吾證也可理于官豈有此理余笑曰吾故人也因
以贈之今二十年矣范卒已十年不知所在

米芾
畫史

高公繪有唐蜀中畫雪山世以為王維也

米芾
畫史

林廩家有王維雪圖六幅

米芾
畫史

江干初雪圖真蹟藏李邦直家唐蠟紙本世傳為王摩
詰所作末有元豐間王禹玉蔡持正韓玉汝章子厚王

和甫張憲明安厚卿七人題詩

石林
詩話

唐王右丞萬峰積雪圖卷絹本高九寸長七尺上有御
前之印內合同印文淵閣印奉華堂印揭篋斯印項子
京天籟閣中物也藏印俱備 城中十日暑如炎頭目
眩花塵土塞僧樓今日見此卷雪意茫茫寒欲逼古楸
修柳枝裊矯下有幽篁厠叢碧隔溪膠艇不受呼平地
貫渚無人跡西風翻鴉忽零亂遠雁速雲猶噉噉筆跡
墨淡精神在收閱千年若完璧宛然一段小江南三遠
備全能事畢維名依稀半未漈老眼再摩初認得所存

只是天假借名手當時重唐室吳中人家寶古跡自來
及元高爾直若教見此風斯下倒橐定應無吝畚錦標
內帑固自有人間間出鳳五色老余尺素見雪渡草樹
凌競人跼踏僅有盈尺不盡意何如此圖長數尺太邱
孫子具法眼鑿壁收藏皆襲百我將拙語敢印證聊寫
心知并目識右丞之筆神妙非常時代久遠見亦罕矣
余少于沙溪陳氏獲觀雪渡圖盈尺而已今又于巖氏
閱此修卷深幸老年擊此于目又題弘治壬戌中秋日

沈周古之高人逸士往往喜弄筆作山水以自娛然
多寫雪景者蓋欲假此以寄其孤高絕俗之意耳若李
成之萬山飛雪李唐之雪山樓閣郭忠恕之九峰雪霽
王叔明之劍閣沈石田之關山積雪圖皆種種臻妙而
予皆及見之但恨未覩王維雪景何如耳宏治乙卯春
偶于都下錢太常處閱此萬峰積雪卷賞鑒竟日覺寒
氣逼人真摩詰平生得意筆也始知李成輩皆宗摩詰
傳為世寶此卷不啻今之鳳毛麟角矣枝山道人祝允

明跋 詩中有畫畫有詩摩詰落筆秀且奇閩相吳生
那足道象外能將造化師藍田輞川僅臨本開元東塔
跡已墮山居圖識宣和字今藏御府人難窺我居京師
頗留意日尋斷幘收殘碑琉璃殿西得茲卷敗篋零亂
縈蛛絲長江峻嶺互合沓叢竹古樹蔽嶮巖山腰巍巍
置層閣橋根灑灑流冰浙西風凝寒雪意勁一天黯淡
彤雲垂斜行飛鴻失沙渚犯冷孤客望酒旗或棹扁舟
或輕策神理曲盡毫無遺晴窗細觀拭病目小字漉漫

書王維石田沈翁跋長句謂如彩鳳輝朝曦重裝錦標紫鸞
鵲草堂珍秘怡老資炎天往往布几案滿簾飛霞吹涼颺右丞曾中
自瀟灑汪汪如有千頃陂松針石脉蘊靈異雨晴寒暑隨形施

東坡生平頗崛強亦于維也無間辭江邨高士奇題

江邨銷
夏錄

摩詰仙遊五百年畫稱雪渡未能傳只因曾入宣和府

珍重令人綴短篇

黃子久王維
雪渡圖詩

榮咨道字詢之收雪獵圖命為王維不類張氏辟支佛所畫

合掌像林木類蜀人筆雪山精好是唐物維則未也

米芾
畫史

是卷雪景山頭皆襯金著色法度森整而筆墨清潤極為精工心知為唐人之作而卒未能定其名氏舊有籤題小李將軍紙最古而字畫草率因未之信予購得之京師間示知畫者以為當出王摩詰子家所有王維雪溪圖并小幅鳳舟圖與此皆不類又曾見輞川圖與高士奕棋小幅惟奕圖用筆與此同因題為王摩詰而褫去舊籤見者同聲以為摩詰無疑間居以來校勘頗勤遂定為李昇出峽圖云

陸儼
山棊

書畫之妙當以神會難可以形求也世觀畫者多能指
摘其間形象位置彩色瑕疵而已至于奧理冥造者罕
見其人如彥遠畫評言王維畫物多不問四時如畫花
往往以桃杏芙蓉蓮花同畫一景余家所藏摩詰畫袁
安卧雪圖有雪中芭蕉此乃得心應手意到便成故造

理入神迴得天意此難可與俗人論也

夢溪
筆談

王維作畫雪中芭蕉法眼觀之知其神情寄寓于物俗

論則譏以為不知寒暑

冷齋
夜話

筆談云王維畫入神不拘四時如雪中芭蕉故惠洪云
雪裏芭蕉失寒暑題王維雪中芭蕉圖皆以芭蕉非雪
中物嶺外如曲江冬大雪芭蕉自若紅蕉方開花知前輩
雖畫史亦不苟洪作詩時未到嶺外存中亦未知也

猗覺寮
雜記

京師楊太和家所藏唐晉以來名蹟甚佳有右丞畫一
幀宋徽廟御題左方筆勢飄舉檢宣和畫譜此為山居
圖察其圖中松鍼石脈無宋以後人法定為摩詰無疑
向相傳為大李將軍而拈出為輞川者自余始

畫禪室
隨筆

內府藏右丞山居圖筆法類大李宋徽宗題曰危樓日

暮人千里敲枕秋風雁一聲

高江邨苑西集

古畫捕魚一卷或曰王右丞草也紙廣不充幅長丈許
水波渺瀰洲渚隱隱見其背岸木葭蒹向搖落草萋然
始黃天慘慘雲而風人物衣裘有寒意蓋畫江南初冬
欲雪時也兩人挽舟循厓一人篙而下之三人巾帽袍
帶而騎或馬或驢寒峙肩擁袖者前揚鞭顧後攬轡語
袂翩然者僮負囊尾馬背而荷若擁鼻者三人屈竹為

屋三童子踞而起大網一童從旁出者縛竹跨水上一人立旁維舟其下有筍者方舟而下四人篙而前其舟坐若立者兩童子曳方罟行水間者縛竹跨水上一人中而依蘆葦坐沉大網旁筍屈竹為屋縛竹跨水上童子跪而起大網者一人屈竹為屋前有瓶盃可見者篙者槳者俛下罩者三人皆笠方舟載大網行且漁兩兒兩蓋依蘆葦坐有巾而顛出網中得者艇操楫一人縛竹跨水上顧而語前有盃盃者方舟載大網出網中得

者縛竹跨水上兩兒沉大網旁維艫者兩人篙其舟甚
力有惟幙坐而濟若婦人可見者方舟依渚一人篙一
人小而顛三童子若飲食若寐前有盃盃者一人推葦
間童子俛而曳循厓者人物數十許目相望不過五六
里若百里千里右丞妙于詩故畫意有餘世人欲以語
言粉墨追之不似也常憶楚辭云帝子降兮北渚目渺
渺兮愁予嫋嫋兮秋風洞庭波兮木葉下引物連類謂
便若湖湘在目前思頃時歲晚道吳江如此漁者男子

婦女童稚舟楫梁笱網罟罾罩紛然在江然其業廩而
事佚故無市廛爭利意此與畫二大夫去國其色無別
恨奚以異元祐元年四月二十日李希孝出之欲模寫
無善工乃借韓退之序畫人物意識之潁川晁補之序

晁補之捕
魚圖序

朱景元畫斷曰王維畫山水松石似吳生而風標特出
京師西塔院有輞川圖山谷鬱盤雲水飛動山谷詩丹
青出右轄詩句妙九州物外常獨往人間無所求袖手

南山雨輞川桑柘秋胸中有佳處涇渭看同流此詩足以氣吞右轄筆墨今所見者摹本不足道也余與徐淵子同點檢南宮出右丞捕魚圖一卷如無咎公所題者余曰此善摹者為之徐不以為然一日得一卷僅存三分之一徐圖葭葦之外意其為水耳此特波濤浩瀾水痕浪迹一一畢具人物尤精絕淵子必欲易之余有難色已而又有一卷題曰摩詰寒江釣雪上施祕閣之印此迺淳化以前未更祕書省印篆也畫筆奇古全不類

世間所見山水圖也

緯畧

司德用進所藏王維捕魚圖單幅小直軸徽宗題前有
雙團龍印後有大觀政和二璽明昌七印上作岡阜古
木數株全如李成所作下作數舟攔溪取魚甚佳

雲烟
過眼

錄

錫山華氏藏唐人捕魚圖一卷運筆古雅無名人畫甚
佳好事者謂為王維極謬維畫原係單行小直幅元時
在司進家見雲煙過眼錄有宣和明昌御題璽記也

清河

書畫
舫

周敏仲新裝王維雪霽捕魚圖一絹本淺絳色後有班
惟志仇遠白珽張雨等七跋雖未敢定為真右丞決非

宋元畫史可及

清河書
畫舫

江雲滉滉陰晴半沙雪離離點江岸畫中不信有天機
細向樹林枯處看漁浦移家媿未能扁舟蕭散亦何言

白頭歲月黃塵底笑殺高人王右丞

元好問王右丞
雪霽捕魚圖詩

春江水綠春雨初好山對面青芙蓉漁舟兩兩渡江去

欽定四庫全書

王右丞集注
附錄

四六

白頭老漁爭捕魚，操篙提網相兩兩。
慎勿江心輕舉網，風雷昨夜過禹門。
桃花浪暖魚龍長，我識扁舟垂釣人。
舊家江南紅葉村，賣魚買酒醉明月。
貪夫狗利徒紛紛，世上閒愁生不識。
江草江花俱有適，歸來一笛杏花風。

亂雲飛散長天碧

黃子久王摩詰
春溪捕魚圖詩

輞川之景天下奇，我惜曾聞不曾識。
若人筆端幹元氣，萬頃煙濤歸咫尺。
漁翁生事浩無窮，醉挹青藍洗胸臆。
或披蓑笠卧寒蟾，或倚孤篷蘸空碧。
靜觀此理良可娛。

應須仰慕王摩詰

鄧文原王摩詰
春溪捕魚圖詩

前灘曾兮後灘網魚兮魚兮何所往桃花錦浪
綠楊邗浦激忽聞漁笛響我行笠澤熟此圖頓起桃

源雞犬想不如歸向茅屋底老瓦盆中醉春釀

吳仲圭右

丞春溪捕
魚圖詩

徐容齋子方所藏王維驪網圖

雲煙過
眼錄

王摩詰精能圖一卷長五丈餘一墨運不著色

東國
元覽

王維精能圖宋高宗璽並題

南陽名
畫表

欽定四庫全書

王右丞集箋注
附錄

四

許公子伯尚王摩詰候潮圖一卷細絹畫後有宋元人

跋細閱皆雙鈎廓填

東圖
元覽

王摩詰山陰圖一卷後有米元章與宋元諸賢題跋舊
在吾歛臨河程氏今聞鬻于河南吾郡汪司馬伯玉曾

見語予今聞此卷歸雲間董翰林思白

東圖
元覽

渭城朝雨裊輕塵客舍青青柳色新勸君更盡一杯酒
西出陽關無故人此摩詰送元二使安西詩也世傳陽

關圖亦出摩詰之手遂成二妙

深雪
偶談

王履道同先子避地嶺外甚熟因見有顏約持王維書
嘉陵江山圖蓋明皇幸蜀過嘉陵愛其江山命吳道子
圖于大同殿壁王維復畫小簇云江山已暗大同殿絃
管猶喧凝碧池別寫嘉陵三百里右丞心事有誰知蓋

謂此也

過庭錄

嗟乎魏晉六朝之蹟余不得而見之矣入唐固當以輞
川為宗祖山西有摩詰四景山水石本四方方尺有只
薛尚功輩題識徧其上繪事宣金石所能辨亦存其骨

肉大都耳可見在當時已稀潤珍貴之至故謀及琢磨而況于今乎儻能見之非人生大慶快邪邇來聞有一軸在親軍黃君所昨者乃得捧閱大內後宰門有丹漆巨挺一以支北扉不知幾何年矣成化間挺偶墮地破乃髹竹也中藏卷三其一即此事聞進御重瞳一閱明日左右請所歸掌時親軍伯父司禮侍側上遂以賜之親軍云爾圖用細練高尺二寸長四尺奇前後周完末

下正書三言曰王維製

祝枝山唐王
維真蹟跋

生煙漠漠中有樹樹外田家幾家住重巖複塢隨不斷
茅舍時時若茵附兩人並向魚梁涉一鳥遙從翠微度
行雲澹映荒水陂似有斜陽帶微暉傍篠白沙明青林
滃沉霧乍明乍晦景萬變想當夏盡秋初處石牆短綠
隈隈水淺紫迴寬平一畝敞層屋板扉犬卧無人開書
堂樹深晝寂寂主人應是王摩詰清晨騎鹿看田出行
過柴泚日向夕會招高適與裴迪共賦輞川佳事畢圍

成興盡詩未筆

祝枝山王右丞
山水真蹟歌

劉宮保子大家王摩詰山水一絹軸濶六七寸長幾四尺絹粗而密作重山疊嶽茂木叢林帶以清溪野渚重樓曲榭幾盈一幅無款亦無題字原出朱筆菴筆菴于

卷外手題為王維

東園元覽

王維皆青綠山水李公麟畫白描人物

芥子園畫傳

王右丞生平畫卷所稱最者唯輞川雪谿捕魚等圖耳吾意以為絕響不謂太樸于中州友人家又得此卷而用筆之妙布置之神殆尤過焉固知右丞胸中伎倆未

易測識而千竒萬變時露于指腕間無窮播弄豈非千
載一人哉置之案頭臨摹數過終未能得其彷彿漫書
短句并識而歸之 羣山轟轟凝煙紫萬木蕭蕭向夕

黃豈是邨翁戀秋色故將輕舸下橫塘 秋風荏苒汎
晴光處處邨邨帶夕陽一段深情誰得似故知輞口味

應長

黃子久題王維
秋林晚岫詩

右丞已往六百載翰藻神工若个同千嶂遠橫秋色裏

山家遙帶暮煙中

吳仲圭題右丞
秋林晚岫詩

千峰凝翠宛神州中有仙翁寤寐遊林麓漸看紅葉暮
風煙俄入野塘秋搖搖小艇尋谿轉寂寂雙扉向晚投
我欲探幽未能去畫中真境許誰儔

鄧文原題王維
秋林晚岫圖詩

精華在筆端咫尺匠心難日月中堂見江湖滿座看夜
凝嵐氣濕秋浸碧光寒料得昔人意平生詩思殘 右

丞今已歿遺畫世間稀咫尺江湖盡尋常鷗鳥飛山光
全在掌雲氣欲生衣以此常為玩平生滄海機

張祜題
王右丞

山水障子
詩二首

滄洲誤是真萋萋忽盈視便有春渚情褰裳掇芳芷颯然風至草不動始悟丹青得如此丹青變化不可尋翻空作有移人心猶疑雨色斜拂座乍似水涼來入襟滄洲說近三湘口誰知卷得在君手披圖擁褐臨水時脩然不異滄浪叟

僧皎然觀玉右丞維滄洲圖歌

摩詰傳遺蹟家藏久自竒高人不復見絕藝更誰師水石生寒早煙雲結雨遲筆端窮造化聊可敵君師

范忠宣題

王摩詰畫
寒林詩

野景荒寒霜意邊疎林僵立勢參天定應畫妙王摩詰
故著詩清孟浩然驢怯小橋鞭不動風掀危帽整還偏
官閒老我叨君賜紅日三竿尚畫眠

蒲道源題達實特
穆爾大夫所藏王

維畫寒林
曉竹圖詩

平田渺成湖仲夏月多雨汀鷺濕不飛林鶯澁還語村
煙多乞鄰饁餉常及午柴門無鎖鑰出入隨杖履白鷗
似相識亦足忘爾汝右丞詩家流畫格亦天與君看百
代遺摹榻尚如許吾生慕丘壑偶此繫冠組試問松下

翁幾人同出處

李西涯題王維詩意圖

王右丞之石如飛白郭河陽之石似雲頭披麻間芥

劈法王維每用之荷葉皴法王右丞變體全以骨法

為主色以青綠

芥子園畫傳

王維樹法多用雙勾即藤梢樹杪亦絲毫不苟鈎葉

柳王維諸唐人及陳居中多畫之

芥子園畫傳

何處訪吳畫普門與開元開元有東塔摩詰留手痕吾

觀畫品中莫如二子尊道子實雄放浩如海波翻當其

下手風雨快筆所未到氣已吞亭亭雙林間彩暈扶桑
暎中有至人談寂滅悟者悲涕迷者手自捫壘君鬼伯
千萬萬相排競進頭如龜摩詰本詩老佩芷襲芳蓀今
觀此壁畫亦若其詩清且敦祇園弟子盡鶴骨心如死
灰不復溫門前兩叢竹雪節貫霜根交柯亂葉動無數
一一皆可尋其源王氏詩注摩詰畫
兩叢竹于開元寺吳生雖妙絕猶以
畫工論摩詰得之于象外有如仙翩謝籠樊吾觀二子
皆神俊又于維也斂衽無間言蘇東坡王維
吳道子畫詩

成按續書畫題跋云昔人畫竹咸用鈎勒若王輞川
黃筌父子輩尤臻其妙元邵衷楊竹西畫卷歌唐人
愛竹誰第一精妙獨數王摩詰作亭在東 闕 竹法却
對篔簹咏蕭瑟王汝玉題高房山墨竹詩輞川昔畫
鐵鈎鎖滿幅縱橫鳳毛墮固知稱詡者不獨東坡一
詩矣乃李衍竹譜謂右丞妙蹟世罕其傳又謂右丞
開元石刻屢經撫勒失真江村銷夏錄所載舊人題
蘇文忠公篔簹圖卷亦謂右丞摹平石本既經重刻

甚不足觀何若于雪節霜根交柯亂葉句中一想像
之宛然如見真蹟乎



王右丞集箋注